

詩

送行


歌附

留別

行邁

文苑英華

二百八十一至二百九十



文苑英華卷第二百八十一

詩一百三十一

送行十六

喻鳧六首

李商隱一首

薛逢七首

姚鵠四首

項斯四首

趙嘏十四首

馬戴六首

顧非熊六首

薛能九首

送武毅之邠寧

喻鳧

戍路少人蹤邊煙澹復濃詩寧寫別恨酒不上離容驚拂
沙河柳鶉高石窟鍾悠哉一遐集作阻山疊虜雲重

以下六篇並見集本

送賈島往金州謁姚員外

前人

山光與水色獨往此中深溪瀝椒花氣巖盤漆葉陰瀟湘

終共去巫峽羨先尋幾夕江接月玄暉伴靜吟

送友人罷舉歸蜀

前人

憔悴滿衣塵風光豈屬身賣琴紅粟貴看鏡白鬢新棧畔
誰高步巴邊自問津悽然集作恹恹莫滴血杜宇正哀春

送衛尉之延陵

前人

草木正花時交親觸雨辭一官之任遠盡室出城遲乳滴
茅君洞鴉鳴集作啼季子祠想知佐理暇日有詠懷詩

送越州高錄事

前人

官曹權紀綱行李半舟航浦淑潮來廣川源鳥去長筍成
稽嶺暗蓮發鏡湖香澤國還之任鱸魚浪得嘗

送潘咸

前人

時時齊破囊訪我息閑坊莫雪問茶味當風看鴈行心齊
山鹿逸句敵柳花狂堅苦今如此前程豈渺茫

別薛巖賓

李商隱

曙爽行將拂晨清坐欲凌別離真不那風物正相仍漫水
清集作任誰照衰花淺自矜還將兩袖淚同向一窻燈桂樹

乖真隱芸香是小懲清規無以況且用玉壺冰

送西川梁常侍之新築龍山城并錫賚兩州刺

史及部落酋長等

薛逢

聖主憂夷貊屯師剪束欽浪吉一皇家恩眷祐星使忽登
臨用命期開國違天必釁礎化須均草樹思不問飛沉束

馬凌蒼壁捫蘿上碧岑瘴川風自熱劒閣氣長陰迅瀨從
天急喬公入地深仰觀唯一逕俯瞰即千尋水作新城帶

山爲故壘襟東開洞君聽南闢納蠻心渥澤濡三部謂王

衣冠化兩休帶文雕白玉符理篆黃金鳥道經印熨星

躔過嘴參迴軒如

一作中

眷獎休作苦辛令

送西川杜司空赴鎮

前人

黑眉玄髮尚依然紫綬金章五十年三入鳳池操國柄八
分龍節付兵權東周城闕中天外西蜀樓臺落日邊莫遣
洪鑪曠真宰九流人物待陶甄

送司徒相公赴闕

前人

丞相銜恩赴闕時錦城寒菊始離披龍媒舊識朝天路雞
樹長虛入夢枝十載殿庭連步武兩來庸蜀撫疲羸莫愁
中土無人識自有明明聖主知

送封尚書節制興元

前人

大封茅土鎮褒中醉出都門殺氣雄陌上晚花迎虎節馬
前新月學彎弓珂臨響澗聲先合旆到春山色更紅欲識
真心報天子滿旗全是發生風

送靈州田尚書

前人

陰風獵獵滿旗竿白草颼颼劔氣攢九姓羗渾隨漢節六
州蕃落從戎鞍霜中入塞瑀弓硬月下翻營玉帳寒今日
路傍誰不指穰苴門戶慣登壇

座中走筆送前蕭使君

前人

笙歌慘慘咽離筵槐柳陰陰五月天未學蘇秦榮佩印却
思平子賦歸田芙蓉欲綻溪邊臉楊柳初迷渡口煙自笑
無成今老大送君垂淚郭門前

重送徐州李從事商隱

前人

曉乘征騎帶犀渠醉別都門摻袂初蓮府望高秦御史柳
營官重漢尚書斬蛇澤畔人煙晚戲馬臺前柳影疎尺組
掛身何用說古來名利盡丘墟

送人歸吳

姚鵠

東吳與上國萬里路迢迢爲集作別晨昏久全輕水陸遙
湘陰島上寺楚色月中潮到此一長歎集作知君積恨銷

以下四篇並見集本

送石貫

集作賈

歸湖州

前人

同志幸同年高堂君獨還齊榮恩未報共隱事應閑訪寺

臨湖岸

集作上

開樓見海山洛中推二陸莫久戀鄉關

送劉耕歸舒州

前人

四座莫紛紛須臾歧路分自從同得意誰不惜離羣舊國連青海歸程在白雲棄繻當日路應競看終軍

送黃頰歸袁州

前人

莫倦連朝在醉鄉孔門多戀惜分行文章聲價從來重霄漢途程此去長何處聽猿臨萬壑幾宵因月滯三湘鑪峯若上應相憶不得同過惠遠房

送殷中丞遊邊

項斯

話別無長夜停燈聞曙鴉已行難避雪何處合逢花隴寺

門多閉羌樓酒不賒還須問邊將誰擬靜塵沙

送顧逢尉永康

前人

作尉猶年少無辭去路賒漁舟縣前泊山吏日高衙夏景

臨溪寺秋聲織紵家行程須過越應醉鏡

一作滿非湖花

送歐陽衮歸閩

前人

秦城幾年住猶着故鄉衣失意時曾識成名後獨歸海秋蠻樹黑嶺夜瘴禽飛為學心難滿知君更掩扉

送苗七求職

前人

相逢不得三迴笑風送離情入剪刀客路最能銷日月夢魂空自怕波濤獨眠秋寺琴聲急遠拜城隍劍色高去去緣多山與海鶴身寧不為飛勞

送令狐郎中赴郢州

趙嘏

佐幕才多始拜侯一門清貴動神州霜蹄曉駐秦雲斷野

旆晴翻郢樹秋幾處塵生隨候騎半江帆盡見分流大馮
罷相吟詩地莫惜頰登白雪樓

曉駐集作晚駐

送張又新除温州

前人

東晉江山稱永嘉莫辭紅旆向天涯凝絃夜醉松亭月歇
馬曉尋溪寺花地與剡川分水石境將蓬島共煙霞却愁
明詔徵非晚不得秋來見海槎

集作乘秋見海槎

共煙霞共集作接

送滕邁郎中赴睦州

前人

郡齋秋盡一江橫頰命郎官地更清星月去隨新詔動旌
旗遙映故山明詩尋片石依依晚帆掛孤雲杳杳輕想到
釣臺逢竹馬只應歌詠伴猿聲

送蕭俛相公歸山

眼前軒冕是鴻毛天上人情謾自勞脫却朝衣便東去青
雲不及白雲高

送王龜拾遺謝官從歸澹水山居 前人

水邊殘雪照亭臺臺上風襟向雪開還似當時姓丁鶴羽
毛成後一歸來

送剡客

前人

兩重江外片帆斜數里林塘遠一家門掩右軍餘水石路
橫諸謝舊煙霞扁舟幾處逢溪雪長笛何人怨一作柳花
若到一作到天台洞陽觀葛洪丹井在雲涯

集作丹竈在雲涯

送盧緘歸揚州

前人

曾向雷塘寄掩扉荀家燈火有餘輝關河日暮望空極楊
柳渡頭人獨歸集作未歸隋苑荒臺風裊裊灞陵殘雨夢依依
今年春色還相悞為我江邊謝釣磯

李先輩擢第東歸有贈送

前人

金榜前頭無是非平人分得一枝歸正憐日暖雲飄落何

處宴迴風滿衣門掩長淮心更遠渡連芳草馬如飛茂陵
自笑猶多病空有書齊在翠微

送李裴評事

集本無
李字

前人

塞垣從事識兵機只議平戎不擬歸入夜笳聲含白髮報
秋榆葉落征衣城臨集作連戰壘黃雲晚馬渡寒沙夕照微
此別集作後不應書斷絕滿天霜雪有鴻飛

白髮

集作素髮

送同年鄭祥先輩歸漢南

時恩門相
公鎮山南

前人

年來驚喜兩心知高處同攀次第枝人倚繡屏閑賞夜馬
嘶花徑醉歸時聲名本自文章得藩閩集作藩閩曾勞筆硯隨
家去恩門四千里只應從此夢旌旗

送沈單作尉江都

前人

煬帝都城春水邊笙歌夜上木蘭船三千宮女自塗地十
萬人家如洞天焰焰花枝官舍晚重重雲影寺墻連少年

作尉須矜慎莫向樓前墜馬鞭

送李蘊赴鄭州因獻盧郎中

又玄集
作中丞

前人

僕射陂西想到時集作滿川晴色見旌旗馬融閑臥笛聲
遠王粲醉吟樓影移幾日賦詩秋水寺經年草詔集作白
雲司唯君此去人多羨却是恩深自不知

送韓絳歸淮南寄韓綽先輩

前人

島上花枝繫釣船隋家宮畔水連天江帆自落鳥飛外月
觀靜依春色邊門巷草生車轍在朝廷恩及鴈行聯相逢
且問昭州事曾鼓莊盆對逝川

送薛耽先輩歸謁漢南

前人

雲繞千峯驛路長謝家聯句待檀郎手持碧落新攀桂月
在東軒舊選牀幾日旌幢延駿馬到時冰玉動華堂孔門
多少風流處不遣顏回識醉鄉

送田使君出蔡州

馬戴

主意思政理牧人官不輕樹多淮右地山遠汝南城望稼
殷田隔登樓楚月生懸知蔣亭下渚鶴伴閑行

送呂郎中牧東海郡

前人

假道經淮泗檣鳥逐隼旗蕪城沙蒺接波島石林疎海鶴
公庭下夷人遠岸居山鄉足遺老佇聽薦賢書

送人遊蜀

前人

別離楊柳陌迢遞蜀門行君聽清猿後應多白髮生虹霓
侵棧道雨雪雜江聲過盡愁人處煙雲是錦城

送狄叅軍赴杭州

前人

新官非次受聖主寵前勳關雪發車晚風濤挂席聞海門
山疊翠湖岸郡藏雲執簡從公後鬢叅豈勝君

送從弟

一作叔

赴南海幕

前人

洞庭秋色起哀狄更難聞身住海邊郡帆懸天際雲炎州
羅翠鳥瘴嶺控蠻軍消息未非易堪悲此路分

雪中送青州薛評事

前人

臘景不可犯從戎難自由憐君急王事走馬赴邊州嶽雪
明日觀海雲冒營丘慙無斗酒瀉敢望御重裘

送杭州姚員外

顧非熊

浙江江上郡楊柳到時春塹起背城鴈帆分向海人嶠雲
侵寺吐汀月隔樓新靜理更何事還應詠白蘋

送朴處士歸新羅

前人

少年離本國今去已成翁客夢孤舟裏鄉山積水東鼇沉
崩巨岸龍鬪出遙空學得中華語將歸誰與同

送馬戴入華山

前人

古木亂重重何人識去蹤斜陽收萬壑圓月上三峯雲裏

泉縈石牕間鳥下松唯應採藥客時向此相逢

送喻鳧春歸江南

前人

去年登第客今日早春歸鷺引離秦馬蓮香入楚衣里閭
爭慶賀親戚盡光輝唯我門前渚苔應滿釣磯

送友人及第歸蘇州

前人

見君先得意希我命還通不道才堪並多緣蹇共同鶴鳴
荒苑內魚躍夜潮中若問家山路叨連震澤東

送皇甫司錄赴黔南幕

前人

黔南從事客祿利先來饒官受外臺屈家移一舸遙夜猿
聲不斷寒木葉微凋遠別因多感新郎疑倍寂寥

送浙東

集作王大夫
西非

薛能

天爵擅忠貞皇恩復寵榮遠源過晉史甲族本緹笙亞相
兼尤美周行歷盡清制除天近曉衙謝草初生賓客招閑

地戎裝擁上京九街

集作衢

鳴王勒一宅照紅旌細雨當離

席遙花顯去程佩刀畿甸色歌吹館橋聲驟裏從秦賜餘

艎到汴迎步沙逢霽月宿岸致嚴更渤海流東鄙天台壓

屬城衆談稱重鎮公意念疲毗井邑曾多難瘡痍此未平

察應均賦斂逃必復桑耕隼重權兼帥鼉雄設有兵越毫

隨厚俸剡確得尤名

近相傳以擣熟紙名確以二南
之作非經則類故時氣疑時刺

夜蠟

集作獵

州中宴春風部外行香奩局鳳詔朱篆動

一作龍坑

報後功何患投虛論素精徇還真指掌感激自關

舊業懷昏作徼班負旦評空餘騷雅事千古傲劉楨

以下九篇並見集本

以下九篇並見集本

送李殷遊京西

前人

立馬送君地黯然愁到身萬途皆有區六義獨無人莫恠
敢言集作言如此已能甘世貧時來貴亦在事是掩何因投刺

皆羈旅遊邊更苦辛岐山終蜀境涇水覆蠻塵埋沒飡頰
強炎蒸涼集作醉莫頓俗徒欺合得吾道死終新展分先難
許論詩永共親歸京稍作意充斥犯西鄰

長安送友人之黔

湖疑作南

前人

衡嶽猶云過君家獨幾千心從賤遊話分向禁城偏陸路
終何處三湘在素船琴書去迢遞星露照潺湲臺鏡簪秋
晚盤蔬飯雨天同文到鄉盡殊國共行連後會應多日歸
程自一年貧交求無忘孤進合相憐

送胡澳下第歸蒲津

前人

無媒甘下

集作不

飛君子尚麻衣歲月榮終在家園近且歸

山光臨舜廟河氣隔王畿甚積湯原地故思青青宿麥肥

送馮戴書記之太原

前人

一曲大河聲全家幾日行從容長約夜差互忽離城鎮北

胡沙淺途中霍嶽橫相於莫已泛詩句負雄名

送進士許棠下第東歸

前人

長安那不住西笑又東行苦似貧無計因何事有成雲峯
天外出江色草中明謾忝相知分吾言世甚輕

送劉駕歸京

前人

相逢聽一吟唯我不降心在世憂何事前生得至音蒲多
南去遠汾盡北遊深爲宿關亭日蒼蒼曉欲臨

送李溟出塞

見二百九十九卷

前人

送李涪巡官歸永樂舊居

前人

羨君歸處

集作去

五峯前往往星河實見仙麥壠夏枯成廢

地棗枝秋赤近高天山泉飲犢流多變村酒經蠶味可憐
曾託道門終却住步虛聲裏寄閑眠

文苑英華卷第二百八十一

登仕郎胡 柯 鄉貢進士彭 叔夏 校正

文苑英華卷第二百八十二

詩一百二十三

送行十七

劉駕三首

李頻十三首

章碣一首

皮日休二首

許棠七首

聶夷中一首

鄭谷十三首

楊夔三首

杜荀鶴三首

周繇六首

喻坦之四首

黃滔四首

送友人登第東歸

劉駕

同家楚天涯相識秦雲西古來懸弧義豈顧子與妻携手
踐名場正遇公道開君昇我雖黜感恩同所懷有馬不復
羸有奴不復飢灞岸槐花落却是出關時青門一瓢空分
手去遲遲期君轍未平我事繼東歸

送李殷遊京西

前人

十年夢相識一覩俄見別征駕在我旁草草意難說君居
洞庭日詩句滿魏闕如何萬里來青桂看人折行裝不及
備西去偶成決一作孟夏出都門紅塵客衣熱荒城見羊
馬野館具薇蕨邊塞漸無虞依宿常待月西園置酒地日
夕簪裾列壯志安可留樽前槐花發

送人登第東歸

前人

學古既到古反求鑒者難見詩未識君疑生建安前海畔
豈無家終南成故山得失雖由命世途多險艱我皇追古
風文柄付大賢此時如爲君果在甲科間晚達多早貴舉
世咸爲然一夕顏却少雖病心且安所居似清明冷竈起
新煙高情懶行樂花盛僕馬閑歸程不淹留指期到田園
香醪四隣熟霜橘千株繁肯憶長安夜論詩風雪寒

送許侍御歸潤州

李頻

家山近石頭遂意在東浮祖席離烏府歸帆轉蜃樓陰霞
出海散落日向潮流別有爲霖日孤雲未自由

送人歸滄州

前人

風色又西轉坐爲千里分高帆背楚落寒日逆潮曛斷燒
緣喬木盤鵬隱片雲鄉園有戰地歸去始休軍

送人南歸

前人

行行野雪薄寒氣日通春故國入芳草滄江終白身遊歸
花落滿睡起鳥啼新不得無來札空令借問人

送人歸浙西

前人

楚田開雪後草色與君看積水浮春氣深山滯夜寒毗陵
孤月出建業一鍾殘爲把鄉書去因收別淚難

送人往太原

前人

并州非故國所去又何思
獵狝方為寇嫖姚正用師
戍煙來有號邊雪下無時
更想經綿上應逢禁火期

送人歸新定

前人

歸心常共知歸路不相隨
彼此無依倚東西又別離
山花含雨亞江樹逆一作潮
歌莫戀漁樵興人生各有為

送孫明秀才往潘州訪

詩選韋卿 前人

北鳥飛不到北人誰詩選
去遊天涯浮瘴水嶺外問
潘州草木春冬茂猿猱日
夜愁定知遷客淚唯詩選
敢對君流

送人往太原

前人

離亭聊把酒此路徹邊頭
草白鴈初下集作時清人去遊
汾河流晉地塞雪滿并州
別後想思夜遙看集作北斗愁

送人遊淮南

詩選揚州

前人

一別長安後晨征便信雞
河聲入峽急地勢出關低
綠樹

叢塚下青蕪闊楚西路長
知不惡隨處得詩選詩題

送九江狄明府

前人

字人脩祖德清白定聞傳
匹馬離秦去孤帆入楚懸
關中寒食雨湖上暑衣天
四考兼重攝相和疑作住幾年

送人赴湖南

前人

關門鳥道中飛轉疑作復乘
驄暮雪離秦甸春雲入楚
宮平蕪天共闊積水地多
空使府懸帆待能銷幾日
風

送友人東歸

前人

白社思歸處青門見去人
鄉連茂苑樹路入廣陵塵
海日潮浮曉湖山雪帶春
猶期來帝里未得是閑身

漢上送人西歸

前人

此日看行意令人動遠心
野銜天去盡山夾漢來深
壘浪翻殘雪帆引片雲唯
應留別句畢我白頭吟

送韋岫郎中典泗川

章碣

玉皇恩詔別星班去壓徐方分野間有鳥盡巢垂汴柳無樓不對隔淮山旌旗漸向行時擁案牘應從到日閑想憶朝天獨吟坐旋飛新作過秦關

送令狐補闕歸朝

皮日休

文如日月氣如虹舉國重生正始風且願仲山居左掖只憂徐邈入南宮朝衣正始天香裏諫草應焚禁漏中爲說明年今日事晉廷新拜黑頭公

送從弟皮崇歸復州

前人

羨爾優游正少年竟陵風集作煙月似吳天車螯近岸無勞詩選妨取舫艦隨風不費牽處處路傍千頃稻家家門外一渠蓮殷勤莫笑襄陽住爲愛南溪縮項鱸

送裴拾遺赴畿令

許棠

受謫因廷諫茲一作東行不出關直廬辭玉陛上馬向仙山

地古桑麻廣城偏僕御閑縣齊高枕臥應夢犯天顏

送王侍御越城令

前人

戴豸忽驅雞東南上句溪路過全谷盡帆轉石城西水樹連天暗山禽遠縣啼江人諳舊化那復俟招携

送李頌之南陵主簿

前人

赴縣是還鄉途程豈覺寬長聽鸞離灞岸盪漿入陵陽野蔽生公署閑雲拂印牀晴天調膳外垂釣有池塘

送李員外知揚州留後

前人

帝命分留務東南向楚天幾程迴送騎中路上迎船治列聞山鑄民分酌海煎青雲名素重此去豈經年

送龍州樊使君

前人

曾見邛人說龍州地未深碧溪飛白鳥紅旆映青林土產

唯宜藥王租只貢金政成閑宴日誰伴使君吟

送從弟歸泉州

前人

問省歸南服懸帆任北風何山猶見雪半路已無鴻瘴雜
春雲重星垂夜海空往來如不住亦是一年中

送前汝州李侍御罷宣城

前人

吟詩早得名戴豸又加榮下國閑歸去他人少此情雲移
寒嶠出燒夾夜江明重引池塘思還登謝眺城

送友人歸江南

聶夷中

皇州五更鼓月落西南維此時有行客別我孤舟歸上國
身無主下第誠可悲

送徐澳端公南歸

鄭谷

青衿離白社朱綬始言歸此去多應羨初心盡不違江帆
和日落越鳥近鄉飛一路春風裏楊花雪滿衣

送祠部曹郎中鄴出守洋州

前人

為儒欣出守上路亦戎裝舊製詩多諷分憂俗必康開懷
江稻熟寄信露橙香郡閣清吟夜寒星識望郎

送水部張郎中彥回之宰洛陽

前人

何遜蘭休握陶潛柳正垂官清真塞詔事簡好吟詩春漏
懷丹闕涼船泛碧伊已虛西閣位朝夕鳳書追

送吏部曹郎中鄴免官南歸

前人

高名向已求古韻古無儔風月拋蘭省江山向一作復桂州
賢人知止足中歲便歸休雲鶴深相待公卿不易留滿朝

張祖席半路上仙舟篋重藏吳畫茶新換越甌郡迎紅燭
宴寺宿翠嵐樓觸目成幽興全家是勝遊蓬聲漁叟雨葦

色鷺鷥秋久別郊園改將歸里巷脩桑麻勝祿食節序免
鄉愁陽朔花迎棹崇賢葉滿溝郎中崇賢席春歡促膝簷

日暖扶

集作晚梳

頭道暢應為蝶

集作虎

時來必問牛終須康庶

品未爽漱寒流議在歸群望情難戀自由小生誠淺拙早

歲便依投夏課每垂獎雪天常見憂遠招陪宿直首薦向

公侯攀送偏揮灑龍鍾志未醅

送進士盧棨東歸

前人

灞岸草萋萋離腸我獨雋流年俱老大失意又東西曉楚

山雲滿春吳水樹低到家梅雨歇猶有子規啼

送人之九江謁郡侯苗員外

前人

澤國尋知己南浮不偶遊湓城分楚塞廬嶽對江州曉飯

一作飲

臨孤嶼春帆入亂流雙旌

集作津

相望處月白庾公樓

送進士許邲

前人

泗上未休兵壺關事可驚流年催我老遠道念君行殘雪

臨晴水寒梅發故城何當食新稻歲給又時平

送太學顏時明經及第東歸

前人

平楚干戈後田園失耦耕艱難登一第喪離作亂省諸兄

樹沒春江漲人繁野渡晴閑來思學館猶夢雪牕明

送京叅翁先輩歸閩中

前人

解印東歸去人情此際多名高五七字道勝兩重科宿館

明寒燒吟船兀夜波家山春更好越鳥在鹿柯

送沈

集作田

光

前人

九陌低迷誰問我五湖流浪可悲君著書笑破蘇司業賦

詠思齊鄭廣文理棹好携三百首阻風須飲幾千分未陽

江口春山綠慟哭應尋杜甫墳

送進士韋序赴舉

前人

丹霞照上三清路瑞錦裁成五色毫波浪不能隨

集作傾

世

態鸞鳳應得入吾曹秋山晚水吟情遠雪竹風松醉格高

預想明年騰躍處龍津春碧浸仙桃

送進士吳延保及第後南遊 前人

得意却思尋舊跡新銜未切向蘭臺吟看秋草出關去逢
見故人隨計來勝地昔年詩板在清歌幾處郡筵開江湖
易有淹留興莫待春風吹集作度梅

淮上與友人別 前人

楊子江頭楊柳春楊花愁殺渡江人數聲風笛離亭晚君
向瀟湘我向秦

送張相公出征 楊夔

得意正當年登壇秉國權漢推周勃重晉讓趙宣賢儒德
尼丘降兵鈐太白傳援毫飛鳳藻發匣吼龍泉歷火金難
耗凌霜桂益堅從來稱玉絮此更讓朱研鴛鷺臻門下貌
貅擁帳前去知清朝漠行不費陶甄獻畫符中旨推誠契

上玄願將班固筆書頌勒燕然

送杜郎中入茶山脩貢 前人

一道澄瀾徹底清仙郎輕棹出重城採蘋虛得當時稱述
職那同此日榮劔戟步輕一作高障黑綺羅光動百花明
謝公携妓東山去何似乘春奉詔行

送鄭谷 前人

春江湫湫清且急春雨濛濛密復疎一曲征歌兩行淚送
君兼寄故鄉書

送賓貢登第後歸海東 杜荀鶴

歸捷中華第登船鬢未絲直應天上桂別有海東枝國界
波窮處鄉心日出時西風送君去莫慮到家遲以下三篇
並見集本

送人南遊 前人

凡遊南國者未有不蹉跎到海路雖集作盡掛帆人更多

潮沙分象跡花洞響蠻歌縱有投文處於君能幾何

亂後送友人

集作送友人遇亂

歸湘中

前人

家枕三湘岸門前即釣磯漁竿壯歲別鶴髮亂時歸岳
無猿叫江春有鷺飛平生書劍在莫便學忘機

送江州薛尚書

一作即中

周繇

匡廬千萬峯影匝郡城中忽佩虎符去遙疑鳥道通煙霞
時滿郭波浪暮連空樹翳樓臺月帆飛鼓角風那齊多岳
客鄉戶半漁翁王事行春外題詩寄遠公

送邊上從事

前人

戎裝佩鎬鋸走馬逐輕車衰草城邊路殘陽隴上笳黃河
穿漢界青塚出胡沙提筆男兒事功名立可誇

送洛陽崔員外

前人

塞詔除嵩洛觀圖見廢興城遷周古鼎地列漢諸陵日送

歸朝客時招住嶽僧郡齊臺閣滿公退即吟登

送人尉黔中

前人

盤山行幾驛水路復通巴峽漲三川雪園開四季花公庭
飛白鳥官俸請丹砂知尉黔中後高吟採物華

送楊環校書歸廣南

前人

天南行李半波濤灘樹枝枝拂戲猱初着藍衫從遠嶠乍
辭雲署泊輕艘山村象踏枕椰葉海外人收翡翠毛名官
兩成歸舊隱徧尋親友興何饒

送宇文虞

前人

此別欲何往未言歸故林行車新歲近落日亂山深野店
寒無客風巢動有禽潛知經目事太平是愁吟

送友人遊東川

喻坦之

食盡須分散將行幾願留春兼三月閨人擬半年遊風俗

同吳地山川擁梓州思君登棧道猿嘯始應愁

送友人南中訪舊知

前人

春盡火方遊思君便白頭地蒸川有毒天暖樹無秋水接
三巴險猿分五嶺愁為緣知己分南國必淹留

大梁送友人東遊

前人

自古東西路舟車此地分一作河聲梁苑夜草色楚田曠
鴈已多南去蟬猶在處聞聖朝無諫獵何計謁明君

此詩二百九十五卷重出今已削去注異同為一作

送友人遊蜀

前人

為儒早得名為客不憂程春盡離丹闕花繁到錦城雪銷
巴水漲日上劔關明預想迴來樹秋蟬已數聲

送陳明府歸衡

黃滔

鷓鴣兼雛一作留下單車出柳煙三年兩殊考一日數離筵

又別潮波渌相思嶽月圓翠羅曾隱處定恐却求仙

送翁拾遺

前人

還家俄赴闕別思肯淒淒山坐輶車看詩將諫筆題天開
中國大地設四維低拜舞吾君後青雲更有梯

遊邊送友人

前人

虜酒不能濃縱傾愁亦重關河初落日霜雪下窮冬野燒
枯蓬旋沙風匹馬衝薊門雖漢土遊子莫從容

送友人遊邊

前人

銜否國門外分手見殘陽何日還南越今朝往北荒沙城
經雨壞虜騎入秋狂新詠關山月歸吟鬢的霜

文苑英華卷第二百八十二

登仕郎胡柯 鄉貢進士彭叔夏 校正

聶夷中送友人歸江南下第誠可悲 此下集本有天風動高柯不振知木

枝歸路無愁腸省家無愁眉春日隋河路楊柳飄飄吹六句

文苑英華卷第二百八十三 詩一百三十三

送行十八

張喬十七首 王貞白三首

張蠙十首 王穀一首

盧延讓一首 曹松六首

羅隱十八首 裴說五首

唐彥謙一首

送鄭侍御赴汴州辟命 張喬

官從諫署清暫去佐戎旌朝客多相送吟僧欲伴行河冰
天際白嶽雪眼前明即見東風起梁園聽早鶯

送南陵尉李頻 前人

重作東南尉生涯尚似僧客程淮館月鄉思海船燈晚
霧看春穀晴天見朗陵不應三考足先授詔書徵

送鄭谷先輩赴汝州辟

前人

看花興未休已散曲江遊載筆離秦甸從軍過洛州嵩雲
將雨出汝水背城流應念依門客蒿萊滿目徑一作秋

送沈先輩尉昭應

前人

餘才不廢詩佐邑喜閑司丹陛終須去青山未可期葉凋
溫谷晚雲出古宮遲若草東封疏君王到有時

送友人遊湖南

前人

所投非舊知亦似有前期向路長江上揚帆細雨時春生
南嶽早日轉太荒遲盡採瀟湘句重來會近暮

送前章讀三傳任長城尉

前人

登科精魯史作尉及良時高論窮諸國長才併幾司地傾
流水疾山疊過雲遲暇日琴書畔何人對手碁

送友人遊蜀

前人

天下猿多處西南是蜀關馬登青壁瘦人度翠微閑帶雨
逢殘火因江見斷山行歌風月好莫老錦城間

江上送友人南遊

前人

何處積鄉愁天涯聚亂流岸長羣岫晚湖闊片帆秋買酒
過漁舍分燈與釣舟瀟湘見來鴈應念獨邊遊

送友人歸江南

前人

辛勤同失意迢遞獨還家落日江邊笛殘春島上花親安
誠可喜道在亦在嗟誰伴高吟處晴天望九華

送進士許榮

前人見百家詩選

離鄉積歲年歸路遠依然夜火山頭市春江樹杪船干戈
愁鬢改瘴癘喜家全何處營甘旨潮濤浸薄田

送龐百篇之任青陽縣尉

前人

都堂公試日詞翰獨超羣品秩台庭與篇章聖旨聞鄉連

三楚縣對九華雲多少青門客臨共羨君

送碁待詔朴休歸新羅

前人

海東無敵手歸去道應孤闕下傳新勢船中覆舊圖窮荒
迴日月積水載寰區故國多年別桑田復在無

送友人遊蜀

前人

劍閣緣空去西過第一作西幾州丹霄行客語明月杜鵑
愁露帶山花落雲隨野水流相如曾醉地莫戀少年遊

送友人北遊

前人

東歸未遂心北去幾沉吟把酒思鄉遠投人入塞深晉山
擎白道汾水截青林想見連天雪安知一作長安是積霖

送友人及第歸江南

前人

豈易及歸榮辛勤致此名登車思往事回道勉諸生路遠
山光曙帆通海氣清秋期却閑坐林下聽江聲

送海東朴充

前人

天涯離二紀關下歷三朝漲海雖然闊歸帆不覺遙驚波
時失侶舉火夜相招來往尋遺事秦皇有斷橋

送友人歸宣州

前人

失計復離愁君歸我舊遊亂花藏道發春水遶鄉流暝火
叢橋市晴山疊郡樓無爲謝公戀吟過晚蟬秋

送友人南歸

王貞白

南國萑蒲老知君憶釣船離京近殘暑歸路有新蟬峴首
白雲起洞庭秋月懸若教吟興足西笑是何年

送馮明府歸山

前人

辭秩入匡廬重脩靖節居免遭黑綬束不與白雲踈送吏
各獻酒羣兒自擔書到時看瀑布爲我謝清虛

送韓從事歸本道

前人

獻捷靈州倅歸時寵拜新論邊多稱旨許國誓亡身馬渴
黃河凍鴈回春塚春到蕃唯促戰應不肯和親

送友人赴涇州幕

一作送李中丞再赴處州張蠙詩選

杏園沉飲散榮別就嘉招日月相期盡山川獨去遙府樓
明蜀雪關磧轉胡鷗縱有煙塵動應隨上策銷

送戎州牧

前人

清時爲塞郡自古有儒流素望知難愜新恩且用酬犬牙
連蜀國兵額貫秦州祇作三年別誰能聽邑留

送董卿赴台州

前人

九陌除書出尋僧問海城家從中路挈吏隔數州迎夜蚌
侵燈影春禽雜櫓聲開圖見異跡思上石橋行

送徐州薛尚書

前人

上將出儒中論詩擬立功州從禹後別軍自漢來雄遠驛

銷寒日嚴城肅暮空龍顏有遺廟猶得奠英風

送薛郎中赴江州

前人

幾州聞出刺遙美有江民正面傳天旨懸心禱岳神尺書
先假路紅旆旋燒塵郡顯山川別衙開將吏新散招僧坐
暑閑載客行春聽事甚忘着探題酒亂巡好編高隱傳多
貌上昇真近日居清近求人在此人

送縉雲尉

前人

釋褐從仙尉之官興若何去程唯水石公署在雲蘿野阪
樓中迴晴峯案上多三年罷趨府應更戰高科

送友人歸武陵

前人

聞近桃源住無村不是花戍旗招海客廟鼓集江鷗別島
垂橙實閑田長荻花遊秦未得意看即便離家

送友人趙能卿東歸

前人

一第時難得歸期日已過相看玄鬢少共憶白雲多楚闊
天垂草吳空月上波無人不可遇之子獨狂歌

送人歸南中

前人

有家誰不別經亂獨難尋遠路波濤惡窮荒雨霧深燒鷺
山象出雷觸海鼇沉爲問南遷客何人在瘴林

送友人及第歸

前人

家林滄海東未曉日先紅作貢諸蕃別登科幾國同遠聲
魚呷浪層氣蜃迎風鄉俗旆攀柱爭未問月宮

送友人歸閩

王穀

東南歸思切把酒且留連再會知何處相看共黯然猿啼
黎嶺路月白建溪船莫戀家鄉住酬身在少年

送友人赴闕

盧延讓

正當天下待雍熙丹詔徵來早爲遲倚馬才高猶愛藝問

牛心在肯容私吏開黃閣排班處民擁青門看入時却笑
郡人留不得感恩唯擬立生祠

九江送方干歸鏡湖

曹松

一檣懸五兩此日動歸風客路拋湓口家林入鏡中譚餘
雲出嶠詠苦月欹空更若遊支島何人夜坐同

送尤協律京西從事

前人

辟書來幾日遂意就嘉招猶向風沙淺非於甸服遙時平
無探騎秋靜見盤鷗若遣關中使煩君問寂寥

都門送進士張喬東歸

前人

舊客東歸遠長安詩少朋去愁分磧鴈行計逐鄉僧華嶽
無時雪伊河慢處水知辭國門路片席認巴陵

秋日送方干遊上元

前人

天高淮泗白料子趨脩程汲水疑山動揚帆覺岸行雲離

京口樹鴈入石頭城後夜分遙念一作諸峯月霧
處
生

送陳樵校書歸泉州

前人

巨塔列名題詩心亦罕齊除官京闕下乞假海門西別席
侵殘漏歸程避戰輦關遙秦鴈斷家近瘴雲低候馬春風
館迎船曉月溪帝京須早入莫被刺桐迷

送進士喻坦之遊太原

前人

北鄙征難盡詩愁滿去程廢巢侵燒色孤詩選作荒塚入鋤聲
逗野河流濁離雲積日明并州戍疊暮詩選作角動引風
生

送李右丞分司東都

羅隱

分曹得洛川讜議更昭然左省曾批勅中臺肯畏集作權
所悲漸薄共賀道猶全賣與清平代相兼直幾錢

送汝州李中丞十二韻

前人

羣盜方爲梗分符奏未寧黃巾攻郡邑白挺掠生靈塵土
周畿暗瘡痍汝水腥一兇雖剪滅數縣尚凋零理必咨寬
猛謀須藉典刑與能纔物論慎選忽天庭官品尊臺秩山
河擁福星虎知應去境牛在肯全形舊政窮人瘼新銜展
武經關防秋草白城壁晚峯青破膽期來復迷魂想待醒
魯山行縣後聊爲奠惟馨

送沈光侍御赴職閩中

前人

末至應居右全家出帝鄉禮優逢苑雪官重帶臺霜夜浦
吳潮吼春灘建水狂延平有風雨從此是騰驤

送內史周大夫自杭州朝貢

前人

八都上將近平戎便附輜軒奏聖聰三按集作變又作接駕前朝
觀禮一函江表戰征功雲歸集作闔苑何時見水到集作

瑤池觸處通知有殿庭餘力在莫辭消息寄西風

淮南送節度盧端公將命之汴州端公嘗為汴

州相公從事

前人

吹臺高倚圃田東此去軺車事分同珠履舊參蕭相國綵
衣今佐晉司空醉離淮甸寒星下吟指梁園密雪中到彼
的知宣室語幾時徵拜黑頭公

送盧端公歸臺盧校書之夏縣 前人

綿綿堤草拂征輪龍虎俱辭楚水濱只見勝之為御史不
知梅福是仙人地推八米源流盛才笑三張事業貧一種
西歸一般達栢臺霜冷夏城春

送郎州張員外

前人

聖朝綸閣最延才須牧生民始入來鳳藻已期他日用隼
旗應是隔年回旗飄峴首嵐光重酒奠湘江杜魄哀腸斷

秦原三二月好花金為使君開

重送朗州張員外

前人

朱輪此去正春風且駐青驄集作門聽斷蓬一榻早年容孺
子雙旌今日別文翁誠知與集作汲善心長在爭奈干時跡
轉窮酬德酬恩兩無路謾勞惆悵鳳城東

淮南送李司空朝覲

前人

聖君宵旰望時雍丹詔西來雨露濃楚客歌狂集作宣休
歎鳳武侯才大本猶集作吟龍九州似鼎終須負萬物為銅
只待鎔臘後春前更何事便看經度奏東封

淮南送工部盧員外赴闕

前人

始從豸角曳長裾又吐雞香奏玉除隋邸舊僚推謝掾漢
庭高議得相如貴分赤筆升蘭署榮着緋衣從板輿遙想
到時秋欲盡禁城涼冷露槐疎

淮南送司勳李郎中赴闕

前人

中朝品秩重文昌雙筆依前賜望郎五夜星辰歸帝座
年樽俎奉梁王南都水暖蓮分影北極天寒鴈着行
不必戀恩多感激過淮應合見徵黃

送陸郎中赴闕

前人

幕下留連兩月強爐邊侍史舊焚香不關雨露偏垂意
自是鴛鸞合着行三署履聲通建禮九霄星彩應明光
少瑜鏤管丘遲錦從此西垣使鳳凰

早春送大梁盧從事

集作送張坤歸大梁前人

蕭蕭羸馬立集作正塵埃又送輜集作歸軒向吹臺別酒莫辭
今夜酌集作醉故人知是幾時迴泉經華嶽猶應凍花到梁
園始合開若見集作爲謝東門抱關者集作吏爲言集作不堪惆悵滿
離杯
此詩又見二百三十一卷

送進士臧漬下第後歸池州

前人

賦成無處換黃金却向東遊集作春風動越吟天子愛才雖側
席諸生多病又霑襟柳攀灞岸狂遮袂水憶池陽綠滿心
珍重綵衣歸正好莫將閑事繫升沉

途中送人東遊有寄

前人

離驂莫惜暫逡巡君向池陽我入秦歲月易拋非曩日酒
盃難得是同人路經隋苑橋燈夜江轉臺城岸草春此處
故交誰見問爲言霜鬢厭風塵

送宿松傅少府

前人

江籬漠漠樹重重東過清淮到宿松縣好也知臨皖水官
閑應得看瀟峯春生綠草集作野吳歌怨雪霽平郊楚酒濃
留取餘盃待張翰明年歸棹一從容

送沈光及第後東歸兼赴嘉禮

前人

青青月桂觸人香
白紵衫輕稱沈郎
好繼馬卿歸故里
況聞山簡在襄陽
盃傾別岸終集作應
須醉草集作花
傍征車漸欲芳
擬把金錢助集作贈
嘉禮不堪栖屑困名場

送友人歸夷門

前人

二年流落大梁城
每送君歸即有情
別路算來成底事
舊游言着似前生
苑荒懶認詞人會
門在空憐烈士名
至竟男兒分應足集作定
不須惆悵谷中鶯

送人宰邑

裴說

官小任還重
命官難偶然
皇恩輕一邑
赤子病三年
瘦馬稀食粟
羸童不識錢
如君清苦節
到處有人傳

春晚送人下第

前人

相送短亭前
知君愚復賢
事多憑夜夢
老爲待明年
春樹添山脊
晴雲學燒煙
雄文有公道
此別莫潛然

湖外送何崇入關

前人

因詩相識久
忽此告臨途
便是有船發
也須有市沽
精吟五箇字
穩泛兩重湖
長短逢公道
清名振帝都

送進士蘇瞻亂中出家

前人

因亂事空王
孤心亦不傷
梵僧爲骨肉
栢寺作家鄉
眼閉千行淚
頭梳一把霜
詩書不得力
誰與問蒼蒼

秋日送河北從事

前人

北風沙漠地
吾子遠從軍
官路雖非達
詩名要且聞
蟬悲欲落日
鵬下擬陰雲
此去難相戀
前山摻袂分

送樊瑄司業歸朝

唐彥謙

近者蘇司業
文雄道最光
夫君居太學
妙譽繼中行
汲郡陵初發
汾陰篋久亡
寂寥方倚席
容易忽升堂
去日應懸榻
來時定裂裳
愜心頻拾芥
應手屢穿楊
辯給如無敵
飛

騰固自強論心期舌在問事畏頭長駟馬終題柱諸生悉
面牆啗螯譏爾雅賣餅斥公羊三國志注魏嚴幹善春秋
公羊鍾繇好左氏謂公羊
餅爲賣家未見泥函谷俄驚火建章煙塵昏象魏行在隔已梁
紅粟填郿塢青袍過壽陽剪茅行殿濕伐栢舊陵香鬢室
青衿盡渠門火旆揚雲飛同去國星散各殊方賤子悲窮
轍當年亦擅場蘼辛尋幼婦醴酒憶元王聖域探姬孔皇
風樂禹湯畏誅輕李喜言命小臧倉折樹休盤槩沉鈎且
釣璜鴻都問詞客他日莫相忘

送鄭侍御

集作員外多相送

集作難相別

吟僧

集作林僧

眼前明

眼集作馬

文苑英華卷第二百八十三

文苑英華卷第二百八十四

詩一百三十四

送行十九

送人省覲七十六首

送賈起居奉使入洛取圖書因便拜覲

蘇頌

舊國才因地當朝史命官遺文徵缺簡還恩採芳蘭傳發
關門候觴稱邑里歡早持京副入旋佇洛書刊

送常侍舒公歸覲

有前序不錄

前人

朝聞講藝餘晨省拜恩初訓曹尊庠序榮親耀里閭朱舟
華轂送班白綺筵舒江上春流滿還應薦躍魚

重送舒公

前人

散騎金貂服綵衣桃花水上逐春歸懸知里邑遙相望事
主榮親代所稀

送崔三往密州覲省

王維

南陌去悠悠東郊不少留同懷扇枕戀獨解集作倚門愁

送友人南歸已見二百六十八卷

前人

送李給事歸徐州觀省

孫逖

列位登青瑣還鄉服綵衣共言晨省日更是書遊歸春水
經梁宋晴山入海沂莫愁東路遠四牡正駢駢

送許八拾遺歸江寧觀省

杜甫

詔許辭中禁慈顏一作赴北堂聖朝新孝理祖席倍恩

輝光內一作贈帛擎偏重宮衣着更香淮陰清夜驛京口渡

江航春隔雞人晝秋期燕子涼賜書誇父老壽酒樂城隍

一作竹引趨鹿曙山添扇枕看畫曾飢渴追蹤恨一作森

茫虎頭金粟影神妙獨難忘甫昔時嘗客遊此縣於許生

送韓十四江東觀省 前人

兵一作干戈不見老萊衣歎息人間萬事非我已無家尋弟

妹君今何處訪庭闈黃牛峽靜灘聲轉一作急白馬江寒樹

影稀此別還須各努力故鄉猶恐未同歸

送王孝廉觀省

李白

彭蠡將天合姑蘇在日邊寧親候海色欲動孝廉船窈窕

晴江轉參差遠岫連相思無晝夜東泣似長川

送鄭務拜伯父

綦毋潛

名公作逐臣驅馬拂行塵舊國問郎子勞歌向郢人一川

花送客二月柳宜春奉料竹林興寬懷此別辰

送集賢學士伊闕史少府勅放歸江東觀省

陶翰集

墨客鍾張侶材高吳越珍千門來謁帝駟馬去榮親吏邑

沿清洛鄉山指白蘋歸期應不遠當及未央春

送張七判官還京觀省

劉長卿

春蘭方可採此去葉初齊
函谷鶯聲裏泰山馬首西
庭闈新栢署門館舊桃蹊
春日集作色長安道相隨入禁閨

以下三篇並見集本

送張栩扶持之睦州

此公舊宰建德

前人

遙憶新安舊偏舟復却還
淺深看水石來往逐雲山
入縣餘花在過門故柳閑
東征隨子去偕隱薜蘿間

客舍贈別韋九達赴任河南韋十七造任鄭縣

就便觀省

前人

與子頗疇昔常時仰英髦
弟兄盡公器詞賦凌風騷
頃者遊上國獨能光選曹
秀名冠二陸精鑒逢山濤
且赴倚門望莫辭趨府勞
桃花照綵服草色連青袍
征馬臨素澹離人傾濁醪
華山微雨霽祠上殘雲高
而我倦栖屑別君良

鬱陶春風亦未已旅思空
洎洎拙分甘棄置窮居長
蓬蒿人生未鯤化物議如
鴻毛迢遞兩鄉別慙慙一
寶刀清琴有古調更向何
人操

送楊千牛赴歲赴汝南郡觀省便成婚

岑參

問吉轉征歎安仁道姓潘
歸期明主賜別酒故人歡
珠箔障鑪煖狐裘耐臘寒
汝南遙倚望早去及春盤

以下四篇並見集本

送張郎中赴隴右觀省卿公

時張卿公亦充節度留後前人

中郎鳳一毛世上獨賢豪
弱冠已銀印出身唯寶刀
還家卿月迴度隴將星高
幕下多相識邊書醉懶操

送張直公歸南鄭拜省

前人

夫子思何速世人皆歎奇
萬言不加點七步猶一作獨嫌遲
對酒落日後還家飛絮一作雪時北堂應夕望一作待鄉夢促

征期

送陶銳棄舉荆南觀省

前人

明時不愛壁浪跡東南遊何必世人識知君輕五侯採蘭
度漢水問緇過荊州異國有異興去鄉無客愁天寒楚塞
雨月淨襄陽秋坐見吾道遠令人堪白頭

送杜士瞻楚州觀省

李嘉祐見

風流與才思俱似晉時人淮月歸心促江花入興新雲深
滄海幕柳暗白田春共道官猶小憐君孝養親

送邊補闕東歸觀省

錢起

東去有餘意

集作景

風生賜錦衣

集作春風生賜衣

鳳凰銜詔下才

子採蘭歸斗酒百花裏人情

集作情人

一笑稀別離須計日想

集作相望在彤闈

以下三篇並見集本

送虞說擢第南歸觀省

前人

南風起別袂心到衡湘間客路楚天遠

集作歸客楚山遠

孤舟雲

水閑愛君採蘭處花鳥連家山得意且寧省人生難此還

送外甥懷素歸觀

前人

釋子吾家寶神清惠有餘能翻梵王字妙盡伯英書遠鶴

無前侶孤雲寄太虛狂來輕世界醉裏得真如飛錫離江

集作鄉久寧親喜

一作是

臘初故池殘雪滿

一作在

寒柳霽煙疎

壽酒還嘗藥晨食不薦魚遙知禪誦外健筆賦閑居

此詩二百十九卷重出今已削去注異同為一作

送友人歸魯觀省

已見七十二卷

韓雄

送李萬饒觀省

皇甫冉

前程歡拜慶異縣惜招携荀氏風流遠胡家清白齊川迴

一作過

吳岫失塞闊楚雲低舉目觀魚鳥驚心怯鼓鼙人稀

漁浦外灘淺定山西無限青青草王孫去不迷

送彭開府往雲中觀君

盧綸

一門三代貴非是主恩偏破虜山銘在承家劔藝全奪旗
貂帳側射虎雪林前鴈塞逢兄弟雲州發管絃凍河光帶
日枯草靜無煙儒者曾親武因貽上將篇

送衛司法河中觀省

即故吏部王
延昌外甥

前人

出身因強學不以外家榮年少無遺事官閑有政聲曉山
臨野渡落日照軍營共賞高堂下連行弟與兄

送尹樞令狐楚及第後歸觀

前人

佳人比香草君子即芳蘭寶器金罍重清音玉佩寒貢文
齊受寵獻醴兩承歡鞍馬并汾地爭迎陸與潘

送太常李主簿歸觀

前人

粲粲美仍都清閑一貴儒定交分玉劔發詠寫冰壺風景
隨台位河山入陣圖上堂多慶樂肯念谷中愚

送渾鍊歸觀却赴闕庭

前人

雲幕擁簪裾台庭餞伯魚綵衣人競看銀詔帝親書知子
當元老爲臣淺二疎執珪期已迫捧膳步寧徐而我誠愚
者夫君豈病諸探題多最勝饌玉每分餘榮比成功後恩
同造化初甌塵方欲合籠翻忽將舒榆莢錢難比楊花雪
不如明朝古隄路心斷玉人車

送內弟韋仁宗歸信州觀省

前人

嘗嗟外族弟兄稀轉覺心孤是送歸醉掩壺觴人有淚愁
穿魂夢一作夢月無輝烹魚綠岸煙浮草採橘青溪露濕
衣聞說江樓長卷幔幾回風起望胡威

送李尚書郎君昆季侍從歸觀滑州

前人

鳳雛聯翼美王孫綵服戎裝擬塞垣金鼎對筵調野膳玉
鞭齊騎引行軒冰河一曲旌旗滿墨詔千封雨露繁更說

務農將罷戰敢持歌頌慶晨昏

送廣陵王主簿自蜀歸絳州寧觀 戴叔倫

將歸汾水上遠自錦城來已泛西江盡仍隨北鴈迴暮雲
征馬速曉月故關開漸向庭闈近留君更一盃

送穆侍御歸觀東都 權德輿

知君儒服貴綵繡兩相輝婉婉成名後翩翩擁傳歸江深
煙嶼沒山暗雨雲飛共待酬恩罷相將去息機 以下三篇
並見集本

送盧評事婺州觀省 前人

知向東陽去晨裝見綵衣客愁青眼別家喜玉人歸漠漠
水煙晚蕭蕭楓葉飛雙溪泊船處候吏拜胡威

送崔端公郎君入京觀省 前人

已見風姿美仍聞藝業勤清秋上國路白晳少年人帶月
輕帆疾迎霜綵服新過庭若有問一爲說漳濱

送王端公之太原歸觀相公 戎昱

柱史今何適西行詠陟岡也知人惜別終美鴈成行春雨
桃花靜離樽竹葉香到時丞相閣應喜棣華芳

送陸秀才歸觀省 前人

武陵何處在南指楚雲陰花萼連芳近桃源去路深啼鸞
徒寂寂征馬已駸駸隄上千年柳條條掛我心

送路少府貢使兼觀侍御兄 釋皎然

國賦推能吏今朝發貢湖佇瞻雙闕鳳思見栢臺烏樹向
秦關遠江分楚驛孤榮君有兄弟相繼騁長途

送顏處士還長沙觀省 前人

西候風信起三相孤客心天寒漢水廣鄉遠楚雲深服綵
將侍膳擷芳思滿襟歸人志難阻別恨獨何任

送鄭孝廉淮西觀省 前人

離袂翠華滿晨羞欵早行春風生楚樹晚角發隋城山靄
野一作露濕衣綠江鴻增客情征徒不用戒坐月白波清

送淳于秀才蘭陵覲省 前人

歡言欲忘別風信忽相驚柳浦歸人思蘭陵春草生擷芳
心未及視枕戀常盈此去非長路還如千里情

冬日送顏延之明府撫州覲叔 前人

臨川千里別惆悵上津橋日暮人歸盡山空雪未銷鄉雲
心渺渺楚水路遙遙林下方歡會山中獨寂寥天寒驚斷
鴈江信望回潮歲晚流芳歇恩君在紫霄

送鄂州張別駕歸襄陽覲省 司空曙

蒼煙峴峯一作亭路臘日集作月漢江春帶雪半山寺行沙隔

水人王祥因就官菜子不違親正恨殊鄉別千條楚柳新
送魏季羔遊長沙覲兄 前人

蘆荻湘江水蕭蕭萬里秋鶴高看迴野蟬遠入中流訪友
多成滯携家不厭遊惠連仍有作集作有知得從兄酬

送人集作韓擢第歸覲 李端

登龍兼折桂歸去賞高居集作當舊楚楓猶在集作暗前隋

魚柳已疎月中逢海客浪裏得鄉書見說江邊住知君不厭

送魏廣下第歸揚州寧親 前人

遊官今空返浮淮一鴈秋集作寫白雲陰澤國青草遠揚州
調膳過花下張筵列水頭崑山仍有玉歲晏莫淹留

春日送沈贊府歸潯陽覲叔父 楊巨源

潯陽阮咸宅九派竹林前花嶼高如浪雲峯遠似天江聲
在南巷海氣入東田才子今朝去風濤思渺然

送高士安下第歸岷南寧覲 歐陽詹

借隱有賢親岷南四十春樓雲自匪石觀國暫同塵就養
思兒戲延年愛鳥伸還看謝時去集作有類集作穎陽人

送國子令狐博士赴興元觀省 劉禹錫

相門才子高陽族學省清資五品官諫院過時榮棣萼謝
庭歸去踏芝蘭山中花帶煙嵐晚棧底江含雪水寒伯虎
集作到家人盡賀柳營蓮府遞相歡

聞韓賓擢第歸觀以詩美之兼賀韓十五曹長

時韓牧永州

前人

零陵香草滿郊坳丹穴鷄飛入翠屏孝若歸來呈畫讚孟
陽別後有山銘蘭陔舊地花纔結桂樹新枝色尚青為報
儒林丈人道如今從放鬆星星

送鄭秀才歸寧

張籍

桂檝綵爲衣行當令節歸夕集作潮迷浦盡集作晝雨見

人稀野芟到時熟江鷗泊處飛離琴一奏罷山水靄餘輝

送李琮歸靈州觀省

姚合

餞席離人起貪程醉不眠風沙移道路僕馬識山川塞樹
開花小關城下雪偏胡塵今已盡應便從朝天

送李餘及第歸蜀

賈島

知音伸久屈觀省去光輝津濟逢清夜途程盡翠微雲當
綿竹壘鳥離錦江飛肯寄書來否原居出甚稀以下四篇
並見集本

送韋瓊校書

前人

賓佐兼歸觀此行江漢心別離從闕下道路向山陰孤嶼
消寒沫空城滴夜霖若耶溪畔寺秋色共誰尋

送董正字常州觀省

前人

相逐一行鴻何時出磧中江流翻白浪木葉落青楓輕檝
浮吳國繁霜下楚空春未歡待阻正字在東宮

送雍陶及第歸成都寧觀 前人

不唯詩著籍兼又賦知名議論於題稱春秋對問精半應

陰隲與全賴有司平歸去峯一作巖巒衆別來松柱生漲江

流水品一作當道白雲坑勿以攻文捷一作捷而將學劍輕

裂一作製衣新濯錦開醞舊燒罌同日升科士誰同膝下榮

送董正字武歸觀毗陵 釋無可

暫辭讎校去未發見新鴻路入江波上

晴出樹野極暮連空何以念兄弟應思潔膳同

送威衛李騎曹之靈武寧省 前人詩選作郎士元

一歲一歸寧涼天數騎行河來當塞曲山遠與沙平縱獵

旗風卷聽笳帳月生新鴻引寒色回日滿京城

送邵錫及第歸湖州 前人

春關鳥罷啼歸慶浙煙西郡守招集作延重鄉人慕集作

羨齊橘青迓集作暑寺茶長隔湖溪乘暇知高眺微應辨

會稽

送蔡京東歸迎侍 劉得仁

高堂唯兩別每別有成歸薄俸迎親遠雄文解易稀鄆郊

秋木見魯寺夜鐘微近臘西來日多逢霰雪飛

送高湘及第後東歸觀叔 前人

此去幾般榮登科鼎足名無慙入南巷高價聳東京對一作對

嵩山碧庭來洛水聲門前桃李樹一逕已成陰

送友人下第歸觀 前人

君此卜行日高堂應夢歸莫將和氏淚滴着老萊衣岳雨

連河細田禽出麥飛到家調膳後吟苦落蟾暉

送友人下第歸揚州觀省 前人

新柳間花垂東西京路歧園林知自到寢食計相思雨斷

淮山出帆揚楚樹移晨昏心已一作始泰蟬發是回時

送張景宜下第歸揚州觀省 朱慶餘

歸省值花時行吟落第詩私情連道在公論覺才遺春雨
連淮暗官船過馬遲離心可惆悵為有入城期

送唐侍御福建觀兄 李群玉

桂枝攀盡賈家才霄漢春風棣萼開世事綸言傳大筆官
分鴻序厭霜臺閩山翠卉迎飛旆越水清紋散落梅到日
池塘春草綠謝公應夢阿連來

送盧弘本浙東歸觀 張祐

東望故山高秋歸值小舸懷中陸續橘江上伍員濤好去
寧雞口加滄及蟹螯知君思無限集作卷為我讀集作續離騷

送段覺之西川過婚禮後歸觀 許渾

詞賦名高日集作身不閑綵衣成集作如錦渡函關鏡中月冷

胡威去劍外花飛衛玠還秋浪遠侵黃鶴嶺暮溪集作雲遙

斷碧雞山時人若問集作時人問西遊客心在重霄鬢欲班

送友人下第歸寧 喻鳧

紫閣雪未盡杏園花亦寒灞西辭舊友楚外憶新安細雨
猿啼枿微陽鷺起灘旋應赴秋貢詎得久承歡

送李潛歸綿州觀省 姚鵠

朱樓對翠微紅旆出重扉此地千人望寥天一鶴歸雪封
山崦白鳥拂棧梁飛誰比趨庭戀驪珠耀綠衣

送友人鄭州歸觀 趙嘏

為有趨庭戀應忘道路賒風消榮澤凍雨靜圃田沙古陌
人來遠遙天鴈勢斜園林新到日春酒酌梨花

送樵先輩歸觀信安 前人

衣綵獨歸去一枝閑更香馬嘶芳草渡門掩百花塘野色

亭臺晚灘聲枕簟涼小齊松島重拂讀書牀

洛中逢盧郢石歸覲

前人

不堪俱失意相送出東周緣切倚門戀倍添爲客愁春山
和雪靜寒水帶冰流別後期君處靈原紫閣秋

送陳嘏登第作尉歸覲

前人

千峯歸去舊林塘溪縣門前即故鄉曾把桂誇春里巷重
憐身稱錦衣裳洲迷翠羽雲遮檻露濕紅焦月滿廊就養
舉朝人共美清資讓却校書郎

送裴延翰下第歸覲滁州

前人

失意何曾恨解携問安歸去秣陵西郡斜陽柳春風岸山
映樓臺明日溪江上詩書懸素業日邊門戶倚丹梯一枝
攀折回頭是莫向清秋惜馬蹄

送春坊董正字浙右歸覲

馬戴

去覲

一作省

毗陵日秋殘建業中莎垂石城古山闊海門空

灌木寒檣遠

一作並

曾波皓月同何當復讎校春集少陽宮

送邵公石先輩歸連州覲省

曹松

及第兼歸覲宜忘涉驛勞青雲具慶少白日一飛高轉楚
聞啼欵臨湘見疊濤連陽沉飲徧何地佐旌旄

文苑英華卷第二百八十四

登仕郎胡柯 鄉貢進士彭叔夏 校正

司空曙送鄂州張別駕臘日集作臘月

送魏季羔仍有作集作有新作

送魏廣下第鴈秋集作鴈愁

李端送人集作送人擢第歸觀賞高居集作當高車猶在集作猶在

文苑英華卷第二百八十五

詩一百三十五

送行二十詩附

賦物送人四十一首 詩十五首

賦得鴈送別周員外戎嶺表後篇題作詠寫王曾

旅鴈別衡陽天寒關路長行斷由驚箭聲嘶為犯霜一作

羅繳無人愍能鳴反自傷何如侶泊泊初學記作沈沈刷羽戲方

塘 此詩三百二十八卷重出今已削去 王拊

別故人賦得凌雲獨鶴 王拊

單嘶凌碧霧風颺入青雲九臯空顧侶千里會離羣望海

飛恒急摩天影詎分欲知淒斷意琴裏自當聞

送王贊府參選賦得鶴 駱賓王

振衣遊紫府飛蓋背青田虛心恒驚露孤影尚凌煙離歌

悽妙曲別操集作引繞繁絃在陰如何和清響會聞天

送郭

集作鄭

少府入遼共賦俠客遠從戎

前人

邊烽驚榆塞俠客度桑乾柳葉開銀鏑桃花曜

集作照玉鞍

滿月臨弓影連星入劍端莫學燕丹客空歌易水寒

送劉散員同賦陳思王詩得好鳴鳴高枝

劉斌

春林已自好時鳥復和鳴枝交難奮翼谷靜易流聲間關
繞得性矰繳遽相驚安知背飛遠拂霧獨晨征

得山樹鬱蒼蒼

許敬宗

喬木託危岫積翠遶連岡葉疎猶滿影花少未流芳風來
聞肅肅霧罷見蒼蒼此中餞行邁不異上河梁

得明月照高樓

楊濬

高樓一何綺素月復流明重軒望不極餘暉攬詎盈鏡華
當牖照鈎影隔簾生逆愁異樽酒對此難爲情

得遊人久不歸

劉孝孫

鄉關眇天末引領悵懷歸羈旅久淫滯物色屢芳菲稍覺
出意盡行看蓬鬢衰如何千里外佇立霑裳衣

得春嬰送友人

賀朝清

翅掩飛鷺舞啼惱婕妤悲料取金閨意因君問所思流鶯
拂繡羽二月上林期待雪銷青禁銜花向玉墀

餞濟陰梁明府各探一物得荷葉 張九齡

荷葉生幽渚芳華信在茲朝朝空此地采采欲因誰但恐
星霜改還將蒲稗衰懷君美人別聊取

集作以贈心期

送姚評事入蜀各賦一物得卜肆 前人

蜀巖化已久湛真空所思嘗聞賣卜處猶憶下簾時驅傳
應經此懷賢儻問之歸來說往事歷歷偶心期

竇校書見餞得雲中辨江樹 前人

江水連天色無集作涯淨野氛微明岸傍樹凌亂渚前雲

舉棹形徐集作轉登艫意漸分渺茫從此去空復惜離羣

題瓜洲新河餞族叔舍人賁 李白

齊公鑿新河萬古流不絕豐功利生人天地同朽滅兩橋對雙閣芳樹有行列愛此如甘棠誰云敢攀折吳關傍北固天儉自茲設海水落斗門潮平見沙汭我行送季父弭棹徒流悅楊花滿江來疑是隴山雪惜此林下行興愴為山陽別瞻望清路塵歸來空寂蔑

賦得秤送孟孺卿 包何

願以金錘秤因君贈別離鈎縣新月吐衡舉眾星隨掌握須平執錙銖必盡知由未投分審莫放弄權移

送客賦得油席帽 錢起見中興間氣集

薄質慙加首愁陰幸庇身卷舒無定日行止必依人已沐

脂膏惠寧辭雨露頻雖同客衣色不染洛陽塵

賦得彭祖樓送楊宗得歸徐州幕 盧綸

四戶八牕明玲瓏逼上清外欄黃鵠下中柱紫芝生每帶雲霞色時聞蕭管聲望君兼有月幢蓋儼層城

贈送張成季往江上賦得垂楊 前人

垂楊真可憐地勝覺春偏一穗雨聲裏千條池色前露繁光的曠日麗影團圓若到隋堤望應逢花滿船

送韋判官得雨中山 前人

前峯後嶺碧濛濛草擁驚泉樹帶風人語馬嘶聽不得更堪長路在雲中

顏侍御廳藜筮詠送薛存誠 前人

玉幹百餘莖生君此堂側拂簷寒雨響擁砌深溪色何事鳳凰鷄茲為理歸翼

賦得長洲苑李惠

郎士元

草深那可訪地久阻相傳散漫三秋雨疎蕪萬里煙都迷
採蘭處強記館娃年客有遊吳者臨風思眇然

題竹扇贈別

皇甫冉

湘竹殊堪製齊紈且未工幸親芳袖日猶帶舊林風掩笑
歌筵裏傳書臥閣中竟將爲別贈寧與合歡同

春鳥詞送元秀才入京

顧況

春來繡羽齊暮向竹林棲禁苑銜花出河橋隔樹啼尋聲
知去遠顧影念飛低別有無巢鷺猶窺幕上泥

柳楊送客

李益見集本

青楓江畔白蘋洲楚客傷離不待秋君見隋朝更何事柳
楊南渡水悠悠

別鶴詞送令狐校書之桂府

楊巨源

海鶴一爲別高程方窅然影搖江漢路思結瀟湘天皎然
仰白日真姿棲紫煙含情九霄際顧侶五雲前遐心蜀清
都淒響激朱絃超遙聞風雨迢遞各山川東南信多水會
合當有年雌一作雄飛淚冥冥此意何由傳

賦得夜雨滴空堦送魏秀才

楊衡

委簷方滴滴霑紅復灑綠醉聽乍朦朧愁聞多斷續始兼
泉一作松響細稍雜更聲促百慮自縈心況別人如玉

送陳偃賦得白鳥翔翠微

朱灣

不知鷗與鶴天畔弄晴暉昔日分明見臨川相映微淨中
雲一點迴處雪孤飛正好高枝立翩翩何所歸又玄集作
正好南枝

住翻翻
何所依

聽江笛送陸侍御

韋應物

遠以集作聽江上笛臨觴一送君還愁獨宿夜更向郡齋聞

送李鏡之宣府謁袁中丞賦得江渡 張衆甫

古渡大江濱西南拒要津自當舟楫路應濟往來人翻浪
驚飛鳥回風起綠鱗一作鱗君看波上客歲晚獨垂綸

賦得月下聞蛩送別 劉商

物候改秋節炎涼此夕分暗蟲聲遍草明月夜無雲清迥
簷外見淒其籬下聞感時兼惜別羈思自紛紛

秋砧送邑大夫 竇叔向

斷續長門夜清冷逆旅秋征夫應待信寒女不勝愁帶月
飛城上因風散陌頭離居偏入聽沉復送歸舟

吳興送梁補闕歸朝賦得荻花 朱長文

柳家汀洲孟冬月雲寒水清荻花發一枝持贈朝天人應
比蓬萊殿前雪

賦得巴峽啼猿送客 釋皓然

萬里巴江夜三聲月一作出峽深何年有此路幾客共霑襟

斷壁一作質分連一作重影流泉入苦吟淒淒別離處一作後聞

此更傷心 一作皆高僧詩

賦得石梁泉送崔遠 前人

架石通霞壁懸流散碧沙天晴虹影度風細練文斜攀陟
幽期阻公洄客意賒河梁非此路別恨亦無涯

賦得夜雨滴空堦送陸羽歸龍山 前人

閑堦夜雨滴偏入別情中斷續清猿應淋漓候館空氣令
煩慮散時與早秋同歸客龍山道東來雜好風

賦得謝墅送王長史其墅即晉七代前人

世業州西墅移家長我身蕭疎遺樹老寂寞廢田春車巷
傷前轍籬溝憶舊隣何堪再過此更送北歸人

賦得竹如意送詳法師赴講 前人

縹竹湘南美吾師尚毀形仍留負霜節不變在林青每入
楊枝手因譚具葉經誰期沃州講持此別東亭

賦得顏氏古今事得晉仙傳送顏逸

梁湘東王國常侍顏

協著晉仙傳五篇

前人

曾看顏氏傳多記晉時仙却憶桐君老俱還桂父年青春
留鬢髮白日向雲煙遠別齋遺簡囊中有幾篇

妙善寺達公院賦得夜磬送呂評事

前人

一磬寒山至凝心轉清越細和虛籟盡疎繞懸泉發在夜
吟更長停空韻難絕幽僧悟深定歸客忘遠別寂歷無性
中真聲何起滅

奉同顏真卿送李侍御萼賦得荻塘路

前人

落日車遙遙客心在歸路細草暗迴塘春泉縈古度遺蹤
歎蕪沒遠道悲去住寂寞荻花空行人別無數

賦德古原草送別

白居易

離離原上草一歲一枯榮野火燒不盡春風吹又生遠芳
侵古道晴翠接荒城又送王孫去萋萋滿別情

賦得望遠山送客歸

釋無可

遙山寒雨過正向暮天橫隱隱凌雲出蒼蒼共集作與水平
何時集作年凝厚地幾處映孤城歸客秋風裏回看傷別情

送祝八之江東賦得浣紗石

李白

西施越溪女明艷光雲海未入吾王宮殿時浣紗古石今
猶在桃李新開映故集作古查菖蒲猶短未集作出平沙昔時

紅粉照流水今日青苔覆落花君去西秦適東越碧山青
江幾超忽若到天涯思故人浣紗石上窺明月

赤壁歌送別

前人

二龍爭戰決雌雄赤壁樓船掃地空烈火張天照雲海周

瑜於此破曹公君去滄江弄波集作碧鯨鯢唐突留餘跡
一一書來報故人我欲因之壯心魄

賦得白鷗歌送李伯康歸使 盧綸

積水深沉白鷗飛翻倒影光素于潭之間銜魚落亂驚鳴
爭撲蓮葉一作傾爾不見波中鴉鴝閑無營何必汲汲
勞其生柳花冥濛大堤口悠揚相和乍無有輕隨去浪杳
不分細舞清風一何有上句已似君換得白鵝時獨凭欄
干雪滿地今日還同看鷗鳥如何羽翻復參差復參差海
潮瀾漫何由期

陳羽郎中北亭送劉侍御賦得帶冰水流歌

前人

谿中鳥鳴春景旦一派寒水忽開散壁方鏡圓流不斷白
雲鱗鱗滿可漢疊處淺旋處深撇捩寒魚上復沉群鵝鼓

舞揚清音主人有客簪白筆玉壺貯此光如一持此贈君
君飲之聖君識君冰玉姿

洛陽行送洛陽韋七明府一有響字顧況

始上龍門望洛川洛陽桃李艷陽天最好當年三二月上
陽宮樹千花發疎家父子錯掛冠梁鴻夫妻虛適越

黃鵠樓歌送獨狐助 前人

故人西去黃鵠樓西江之水上天流黃鵠杳杳江悠悠黃
鵠徘徊故人離別堂酒盡清絲絕錄嶼沒餘煙白沙連曉
月

廬山瀑布歌送李願 前人

飄白霓桂丹梯應從織女機邊落不遣潯陽潮向西火雷
劈山珠噴曰五老峯前九江溢九江悠悠萬古情古人行
盡今人行老人也欲上山去上箇深山無姓名

賦得秋河曙耿耿送郭秀才應舉雜言歐陽詹

月沒天欲明秋河尚凝白皚皚積光素耿耿橫虛碧南斗

接北辰連合集作空濛鴻鴻一作濛洞浮高天湯湯集作蕩蕩漫漫皆

晶然實類平蕪流大川星為潭底珠雲是波中煙雞唱漏

盡東方作曲渚集作曲空蒼蒼曉霜落鴈叫疑從清淺驚鳧聲

似在沿洄泊并州細侯直下孫才應秋賦懷金門念排雲

漢將飛翻仰之踴躍當華軒夜來陪餞歐陽子偶坐通宵

見深旨心知慷慨日集作昭然前程志在青雲裏

錫杖歌送明楚上人歸佛川權德輿

上人遠自西天至頭陀行遍南朝寺口翻貝葉古字經手

持金策聲冷冷護法護身唯振錫石瀨雲溪深寂寂乍未

松逕風更寒遙映霜天月成魄後夜空山禪誦時寥寥挂

在枯樹枝真法常傳心不住東西南北隨緣路佛川此去

何時迴應真莫便遊天台

桃花石枕歌送安吉康丞釋皎然

君吏桃州尚竒跡桃州採得桃花石爛疑朝日照已舒含似

春風吹未拆珪璋特達世所珍吾知此物亦其倫應羨花開

不凋悴應善玉片無緇磷立性堅剛平若砥君子偏將交道

比何人亦秉堅剛姿吾見君心得如此君心所好我獨知別

多見少長相思從今一作來賞翫安左右萬里提携君莫辭

春夜賦得瀉水囊歌送鄭明府前人

吳縑楚練何白晳居士持來遺禪客禪客能裁瀉水囊不用

良工秉刀尺先師遣我無缺疑一瀘一翻心敢賒夕望東峯思漱盥

朧朧斜月懸燈紗徒倚花前漏初斷白猿爭嘯驚禪伴玉瓶

徐瀉尚消消淺着蓮衣水珠蒲因識仁人為官情還如瀉水愛蒼

蒼生聊歌一曲與君別莫忘寒泉見底清

賦得隨陽鴈歌送兄南遊

劉商

塞鴻聲飛飛不住終日南征向何處大漠窮陰多返寒分
飛不得長懷安春去秋來年歲疾湖南剗北關山難寒飛
萬里胡天雪夜度千門漢家月去住應多兩地情東西動
作經年別南州風土復何如春鴈歸時早寄書

賦得射雉歌送楊協律表弟赴婚期 前人

昔人才高容貌古相敬如賓不相覩手奉蘋蘩喜盛門心
知禮儀感君恩三星照戶春空盡一樹桃花竟不言結束
車輿強遊往和風霽日東臯上鸞鳳參差陌上行麥苗縈
隴雉初鳴修容盡飾將何益極慮呈材欲導情六藝從師
得機要百發穿揚舍絕妙白羽風馳碎錦毛青娥怨處媽
然笑揚生詞賦比潘郎不似前賢貌不揚聽調琴弄能和
室更解鸞弧足自防秋深為爾持圓扇莫忘魯連飛一箭

泛舒城南溪賦得沙鶴歌奉餞張侍御赴湖南

元博士赴揚州拜覲僕射

前人

終日閭閻逐羣雞喜逢野鶴臨清溪綠苔春水水中影夜
月平沙沙上棲驚謂汀洲白蘋發又疑曲者前年雪紫頂
昂藏肯狎人一聲嘹唳一作唳冲天關素質翩翩帶落暉湖南
渭陽相背飛東西分散別離促兩宙蒼茫相見稀皇華地
仙如鶴馭乘駕飄飄留不住延望乘虛入紫霞陌頭回首
空煙樹會使搏風羽翮輕九霄雲路隨先鳴

姑蘇懷古送秀才下第歸江南 前人

姑蘇臺枕吳江水層級鱗差向天倚秋高露白萬林空低
望吳田三百里當時雄盛如何比千仞無根立平地臺前
夾月吹玉鸞臺上迎涼撼金翠銀河倒瀉君王醉灑酒峨
冠眇西子宮娃酣態舞娉婷香颺四颺青珠墜伍員結舌

長噓噓忠諫無因到君耳城烏啼盡海霞銷深掩金屏日
高睡王道潛墮伍員死可歎斗間膽王氣會稽勾踐擁長
矛萬馬鳴蹄掃空壘瓦解冰銷真可耻凝艷妖芳安足恃
可憐荒堞晚冥濛麋鹿呦呦遠遺址君懷逸氣還東吳吟
狂日日遊姑蘇興來下筆到奇景瑤盤迸灑蛟人珠大鵬
矯翼翻雲衢嵩峯霽後天孤海潮秋打羅刹石月魄夜當
彭蠡湖有時疑思家虛無覓幢髣遊仙都琳瑯暗憂玉華
殿天香靜裊金芙蓉君聲日下間疑來久清贍何人堪敵
手我逃名迹遁西林不得灞陵傾別酒莫便五湖為隱淪
年年三十昇仙人

文苑英華卷第二百八十五

登仕郎胡柯鄉貢進士彭叔夏

校正

文苑英華卷第二百八十六

詩一百三十六

留別一

梁元帝二首

何遜一首

任昉一首

吳均一首

劉顯一首

劉孝綽一首

宗史一首

庾抱一首

賀力牧一首

孫萬壽一首

孔紹安一首

王勃三首

盧照隣四首

駱賓王三首

褚亮一首

崔融一首

陳子昂六首

宋之問四首

崔湜一首

張說四首

蘇頲一首

王維二首

孟浩然五首

杜甫三首

李白三首

祖詠二首

常建一首

別荊州吏民二首

梁元帝

寄言謝桀黠無乃氣干雲安知灞陵下復有李將軍

二

莫言江漢遠煙霞隔數千何必黃丞相重應臨穎川

從鎮江州與遊故別

何遜

歷稔共追隨類聚一旦辭群匹復如東流水未有西歸日

夜雨滴空堦天曉類聚暗離室相悲各罷酒何時更促

膝

別

任昉

離燭有窮輝別念無終緒歧言未及申離白一作已先舉

揆景銜巫

一作

阿臨風長楸渚浮雲難副音徘徊帳誰與

儻有關外驛聊訪狎鷗嶼

一作

一作皆藝文類聚

贈別新林

一號為

吳均

僕本幽并兒抱劍事邊垂風亂青絲絡霧染黃金羈天子

既無賞公卿竟不知去去歸去來還傾鸚鵡盃氣為故交

絕心為新知開但令寸心是何須銅雀臺

發湘州贈親故別三首

前人

相送出江潯淚下沾衣襟何用叙離別臨歧贈好音敬通

才如此君山學復深明哲遂無賞文華空見沉古來非一

日無事更勞心

二

雲生曉藹藹花落夜霏霏問余何意別荅言倦遊歸徒勞

易水布空負洛陽衣懷金無人別抱玉遂成非安得久留

帶商山饒白薇

三

君留朱門裏我至廣江濱城高望猶見風多聽不聞流瀨
方繞繞落葉向紛紛無由得共賞山川間白雲

壽陽還與親故別

前人

故人來送別帳酒臨行汗露繁秋色慢氣愴蟪聲煎鴈渡
章華國葉亂洞庭天復有向隅淚中腸皆涕漣但願千丈
松結景雲之峯山高日華早枝多風彩疑重我還愛芳杜
君住揖驪龍

發新林浦贈同省

劉顯見類聚

回首望歸塗山川邈離異落日懸秋浦歸鳥飛相次感物
傷我情惆悵懷親懿

發建興渚示到陸二黃門

劉孝綽見類聚

扁舟去平樂還顧極川梁猶聞棗下吹尚識杏間堂洛橋
分曲渚官寺隱回塘客行裁跬步即事已多傷況復千餘
里悲心未遽央

別

宗史

別酒正參差乖情將陸離悵焉臨柱苑愔默瞻華池輕雲
流惠彩時雨亂清漪耿耿類聚作追蘭徑悠悠結芳枝春
言終可託心寄方在斯

別蔡參軍

庾抱

人世多飄忽溝水易西東今日歡娛盡何年風月同悲生
萬里外恨起一盃中性靈如未失南北有征鴻

亂後別蘇州人

賀力牧

徘徊睇閭闔悵望極姑蘇慨矣嗟荒運悲哉惜霸圖子常
終覆郢宰謫遂亡吳石墮星方暗山焦川自枯周京摧棧

樸漢社落粉榆宮毀無巢鷺城空餘樂鳥茲邦號端委多
士自相趨照庶同燕石光車等魏珠言離已惆悵念別更
踟躕若訪任公子求余東海隅

贈別

孫萬壽

昔我遊雲閣及爾謬同官高步參師友長裾接綺紉索居
方十載相思勞萬端不言今夕遇得盡故人歡酒隨彭澤
至琴即武城彈高齋屏餘熱珍簟宿輕寒葉落霜威重莫
疎月色殘將歸動離恨彌傷行路難

別徐永元秀

孔紹安

金湯既失險玉石乃同焚墜葉還相覆落羽更爲群豈謂
三秋節重傷千里分離弦易轉幽咽水難聞欲識相思
處山川間白雲

秋日奉別王長史公

北梁

集作北涼

王勃

路別千萬里深恩重百年空悲西候日更動北梁篇野色
籠寒霧山光斂暮煙終知難再奉懷德自潛然

別薛升華

樓臺

集作關山

旅泊

集作飄泊

前人

明月沉珠浦秋風濯錦川樓臺臨絕岸洲渚亘長天旅泊
成千里棲遑共百年窮塗唯有淚還望獨潛然

秋日別薛升華

前人

送送多窮路遑遑獨問津悲涼千里道悽斷百年身心事
同漂泊生涯共苦辛無論去與住俱是夢中人

西使兼孟學士南遊

盧照隣

地道巴陵北天山水弱東相看萬餘里共以疑一征蓬零
雨悲王粲清罇別孔融徘徊聞夜鶴悵望待秋鴻骨肉胡
秦外風塵關塞中唯餘劔峯疑在耿耿氣成虹

還赴蜀中貽示京邑遊好

前人

籀宿花初滿章臺柳向飛如何正此日還望集作喜昔多違
悵別風期阻將乖雲會稀歛衽辭丹闕懸旌陟翠微野禽
喧戍鼓春草變征衣回顧長安道關山起夕霏

晚渡渭橋寄示京邑遊好

前人

我行背城闕驅馬獨悠悠寥落百年事徘徊萬里憂途遙
日向夕時晚鬢將秋洎洎俯東逝耿耿泣西浮長虹掩鈞
浦落鴈下星洲草變黃山曲花飛清渭流集作逆水驚愁
鷺騰沙起狎鷗一赴清泥道空思玄灞遊

從蜀還京贈別

已見二百六十七卷

前人

秋日別侯四得彈

駱賓王

我留安豹隱君去學鵬搏歧路分襟易帆潮集作雲風促膝難
夕漲流波急秋山落日寒唯有思鄉集作歸引悽斷爲君彈

西行別東臺詳正學士

前人

意氣坐相親關河別故人客似秦川上歌疑易水濱塞荒
行辯玉臺遠尚名輪洩井懷邊將尋源重漢臣上苑梅花
早御溝楊柳新祇應持此別曲作邊城春

別李嶠得勝

前人

芳樽徒自滿別恨轉難勝客似遊江岸人疑上灞陵寒更
承夜永涼景向秋澄離心何以贈自有玉壺冰

晚別樂記室產

褚亮

窮途屬歲晚臨水忽分悲抱影同爲客傷情共此時霧色
侵虛牖霜氛冷薄帷舉袂慄將別停杯悵不怡風嚴征鴈
遠雪暗去蓬遲他鄉有歧路遊子欲何之

留別杜審言并呈洛中舊遊

崔融

斑鬢今爲別紅顏集作塵昨共遊年年春不待處處酒相留
駐馬西橋上回車南陌頭故人從此隔風月坐悠悠

落第西還別魏四懍

陳子昂

轉蓬方不定落羽自驚弦山水一為別歡娛復幾年離亭
暗風雨征路入雲煙還因北山逕歸守東陂田以下六篇
並見集本

落第西還別劉祭酒高明府

前人

別館分周國歸驂入漢京地連函谷塞川接廣陵驪作城
望迴樓臺出途遙煙霧生莫言長落羽貧賤一交清

春夜別友人二首

前人

銀燭吐青煙金樽對綺筵離堂思琴瑟別路遠山川明月
隱高樹長河沒曉天悠悠洛陽道此會在何年

二

紫塞白雲斷青春明月初對此芳樽夜離憂悵有餘清冷
花露滿滴瀝簷宇虛懷君欲何贈願上大臣書

遂州南江別鄉里

集作曲故人

前人

楚江復為客征棹方悠悠故人憫追送置酒此南州平生
亦有恨夙昔在林立違此鄉山別長謠去國愁

別李參軍崇嗣

前人

四十九變化一十三死生翕忽立黃裏驅馳風雨情是非
紛妄作寵辱坐相驚至公集作人獨幽鑿窈窕隨昏明咫尺
山河道軒牕日月庭別離為足問悲樂固能并我輩何為
爾栖遑猶未平金臺可攀陬寶界絕將迎戶牖觀天地階
基上杳冥自超三界樂安知萬里征中國要荒內人寰宇
宙縈弦望如朝夕寧嗟蜀道行

留別之望舍弟

宋之問

同氣有三人分飛在此晨西馳巴嶺傲東去汶陽濱強飲
離前酒終傷別後神雖疑作誰憐散花萼獨赴日南春

漢江宴別

前人

漢廣不分天舟移杳若仙秋虹映晚日江鶴弄晴煙積水
浮冠蓋搖風逐管絃嬉遊不可極留恨此山川

端州別袁侍郎

前人

合浦塗未極端溪行暫臨淚來空泣臉愁至不知心客醉
山月淨猿啼江樹深明朝共分手之子愛千金

渡吳江別王長史

前人

倚棹望茲川銷魂獨黯然鄉連江北樹雲斷日南天鈞別
集作龍初沒書成鴈不傳離舟意無限催渡復催年

贈蘇少府赴任江南余時還京

崔湜

丈夫不歎別達士自安卑攬泣固無趣銜盃空爾爲流雲
春窈窕去水暮逶迤行舟忽東泛歸騎亦西馳秦地多芳
草江潭有桂枝雖言阻遐闊所貴在相知

南中別王陵成崇

張說

握手與君別歧路贈一言曹卿禮公子楚媪饋王孫倏爾

生六翮翻飛戾九門常懷客鳥意會答主人恩

以下五篇
並見集本

石門別楊六欽望

前人

燕人同竄越萬里自相哀影響無期會江山此地來暮年
傷汎梗累日慰寒灰潮水東南落浮雲西北迴俱看石門
遠倚棹兩悠集作悲哉

端州別高六戩

前人

異壤同羈竄途中喜共過愁來時舉酒勞罷或長歌南海
風潮壯西江瘴癘多於焉復分手此別傷如何

南中別蔣五向青州

已見二卷
六十七前人

南中別陳七李十

前人

二年共遊處一旦各西東請君聊駐馬看我轉征蓬畫鷁
愁南海離駒思北風何時侶春鴈雙入上林中

陳倉別隴州司戶李惟深

蘇頌

京國自携手同途欣解頤情言正
的春物宛遲遲忽背雕戈星
疑旅瞻獲寶祠蜀城余出守
吳岳爾歸思歡愜更傷此春
殷殊念茲揚麾北林徑跋石
南澗湄中作壺觴餞回添道
路悲數花臨磴日百草覆田
時有美同人意無爲行子辭
高歌拔劍起吾是答恩私

留別溫古上人兄并示弟縉 王維

解薛登天朝去時

集作偶將時

哲豈唯山中人兼負松

上月宿昔同遊止致身雲霞末
開軒臨潁陽臥視飛鳥沒好衣
盤石飲屢對瀑泉歇一作渴
理齊狎小隱道勝寧外物舍弟
官崇高宗兄比削髮荆扉但灑
掃乘閑當過拂集作歇

留別丘爲

前人

歸鞍白雲外繚繞出前山今日
又明日自知心不閑親勞

簪組送欲趨嬰花還一步一回
首遲遲向近關

將適天台留別臨安李主簿

孟浩然

枳棘君尚栖匏瓜吾豈繫誰念
離亭下

集作淡

一作泊指

炎裔江海非情游田園失歸計
空山旣早發漁浦亦消濟汎汎
隨波瀾行行任艫柁故林日已
遠羣木坐成醫羽人在丹丘吾
亦從此逝

東京留別諸公

前人

吾道昧所適驅車還向東主人
開舊館留客醉新豐樹繞溫泉
綠塵遮晚日紅拂衣從此去高
步躡華嵩

留別王侍御

前人

寂寂竟何待朝朝空自歸欲尋
芳草去惜與故人違當路誰相
假知音世所稀祇應守索寞還
掩故園扉

遊江西留別富陽裴劉二少府 前人

西上遊江西臨流恨解携千山疊成嶂萬水寫爲溪石淺
流難泝藤長險易躋誰憐問津客歲晏此中迷

適越留別譙縣張主簿申屠少府 前人

朝乘汴河流夕次譙縣界幸因集作西風吹得與故人會
君學梅福隱予隨集作伯鸞邁別後能相思浮雲去集作

吳會

暮將秋歸秦留別湖南幕府親友 杜甫

水閣蒼梧晚集作天高白帝秋途窮那免哭身老不禁愁

大府才能會諸公德業優北歸衝雨雪俱集作慙弊貂裘

留別嚴賈二閣老兩院遺補諸公 前人

田園須暫往戎馬惜離群去遠留詩別愁多任酒醺一秋

常苦雨今日始無雲山路晴吹笛集作那堪處處聞

別董頴 前人

窮冬急風水逆浪開帆難士了甘旨闕不知道理寒有求
彼樂土南適小長安到我舟楫去覺君衣裳單素聞趙公
節兼盡賓主歡已結門廬望無令霜雪殘老夫纜亦解脫
粟朝未食飄蕩甲兵際幾時懷抱寬漢陽頗寧靜峴首試
考槃當念著白帽采薇青雲端

夜別張五 李白

吾多張公子別酌酣高堂聽歌舞銀燭把酒輕羅霜橫笛
弄秋水集作琵琶彈陌桑龍泉解錦帶爲爾傾千觴

江夏別人之悌 前人

楚水清若空遙將碧海通人分千里外興在一盃中谷鳥
吟晴日江猿嘯晚風平生不下淚於此泣無窮

出金門後書懷留別翰林諸公 前人

好古突流俗素聞賢達風方希佐明主長揖辭成功白日

在青天回光照，微躬恭承鳳凰詔。欬起雲羅中，清切紫霄
迴。優遊丹禁通，君王賜顏色。聲價凌煙虹，乘輿擁翠蓋。扈
從金東寶馬麗，絕景錦衣入新豐。倚巖望松雪，對酒鳴絲
桐。因學楊子雲，獻賦甘泉宮。天書美片善，清芬播無窮。歸
來入咸陽，談笑皆王公。一朝去金馬，飄落成飛蓬。賓從日
疎散，玉樽尋已空。才力猶可倚，不慙世上雄。閑作東武吟，
曲盡情未終。書此讌知己，滄浪集作尋釣翁。

留別裴惣盧象

祖詠

朝來已握手，宿別更傷心。灞水行人渡，商山驛路深。故情
君且足，謫官我難任。直道皆如此，誰能淚滿襟。

歸汝墳山莊留別盧象

前人

淹留歲將晏，久廢南山期。舊業不見弃，還山從此辭。漚麻
入南澗，刈楚向東菑。對酒雞黍熟，閉門風雪時。非君一延

首誰慰遙相思

潭州留別

常建

賢達不相識，偶然交已深。宿帆謁郡佐，悵別依禪林。湘水
流入海，楚雲千里心。望君杉松夜，山月清猿吟。

登仕郎胡

柯

鄉貢進士彭叔夏校正

文苑英華卷第二百八十七

詩一百三十七

留別二

崔國輔一首

王昌齡七首

高適二首

劉長卿十三首

李頎一首

包何一首

李嘉祐二首

錢起二首

郎士元三首

皇甫冉一首

顧況二首

耿緯三首

李端一首

盧綸三首

嚴維一首

戴叔倫七首

權德輿二首

朱放二首

劉復一首

陳存一首

鮑溶一首

清水西別李岑

崔國輔

人錄尚書事家臨御路傍鑿池通渭水避暑借明光淑媛
妻封邑軒車子弄郎寵榮因掖裏勢極必將亡

留別武陵袁丞

王昌齡

皇恩暫遷謫待罪逢知己從此武陵谿集作孤舟二千里
桃花遺古岸金澗流春水誰識馬將軍忠貞抱生死

留別岑參兄弟

集作昆仲

前人

江城建業樓山盡滄海頭副職守茲縣東南棹孤舟長安
故人宅秣馬經前秋便似風雪暮還為縱飲留貂蟬七葉
貴鴻鵠萬里遊何必念鍾鼎所在烹一作享肥牛為君嘯一
曲且莫彈箜篌徒見枯者艷誰言直如鈎岑家雙瓊樹騰
光難為儔誰言青門悲俯期吳山幽日西石門嶠月吐金
陵洲追隨探一作採靈恠豈不驕王侯

東京府縣諸公與綦毋潛李頎相送至白馬寺

前人

勒集作鞍馬上東門徘徊入孤舟賢豪相追送即棹千里流

赤集作遠岸落日在空波微煙收官集作官薄亡機括醉來即

淹留月明見古寺林外登高樓南風開長廊夏夜如涼秋

江水照吳縣西歸夢中遊

留別伊闕張少府郭大都尉

前人見集本

遷客就一醉主人空金壘江湖青山底欲去仍徘徊郭侯
未相識策馬伊川來把手相勸勉不應老塵埃孟陽蓬山
舊仙館留清才日晚歡取別風長雲遂開辛隨板輿遠負
譴何憂哉唯有伏忠信音書報雲雷

岳陽別李十七越賓

前人

相逢楚水寒舟在洞庭驛具陳江波事不異淪弃跡杉上

秋雨聲悲 兼葭夕 彈琴收餘響 來送千里客 平明孤帆
心歲晚 濟代策時在 身未充滿湘 不盈盡疑湖小洲渚 聯
澹淡 煙景碧 魚鼈自有性 龜龍無能易 譴黜同所安 風士
任所適 閉門觀元化 携手遺損益

山中別龐十

前人

幽娟松篠徑 月出寒蟬鳴 散髮臥其下 誰知孤懸情 吟詩
白集作碧雲合酌罷集作釣處玄潭清 瓊樹方杳靄 鳳兮保其貞

緱氏尉沈興宗置酒南溪留贈 前人

林色與溪古 深篁引幽翠 山樽在漁舟 棹月清已醉 始窮
清源口 壑絕人境異 春泉滴空崖 萌草坼陰地 久之風捺
疑寂遠 聞樵聲至海 鴈時獨飛 永然滄洲意 古時青冥客
滅跡淪一尉 吾子躊躇心 豈其紛埃事 維岑信所剋 濟北
余乃遂齊物 可任今息肩 理猶未卷舒 形性表脫畧 賢哲

議仲月期角巾 飯僧嵩陽寺

留別鄭三韋九兼洛下諸公 高適

憶昨相逢論久要 顧君哂我輕常調 羈旅雖同白社遊 詩
書已得詩選作此作青雲料 蹇步蹉跎竟不成 年過四十尚躬

耕 長歌達士集作者杯中物 大詩選作冷笑前人身 後名幸逢明

盛 多招隱 高山大澤徵 未盡此時也集作首得辭漁樵青袍

裏 身何聖 朝犁牛詩選作牛犁釣竿不復見 縣人邑吏來相邀

遠 路鳴蟬 秋興發 華堂美酒離 憂銷不知何日更 携手應

念 茲辰去去遙詩選作尚折腰

平臺夜遇李景參有別 已見二卷 前人

赴新安別梁侍御 劉長卿

新安君莫問 此路水雲深 江海無行跡 孤舟何處尋 青山
空向淚 白日豈知心 縱有余生在 終傷老病侵

案覆後赴睦州贈苗侍御

前人

地遠心難達天高謗易成羊腸留覆轍虎口脫餘生直氏
偷金枉于家決獄明一言知己重片義殺身輕日下人誰
憶天涯客獨行年老銷蹇步秋氣入衰情建德知何在長
江問去程孤舟百口淚萬里一猿聲落日看鄉路空山向
郡城豈令冤氣積千古在長平

赴宣州使院夜夢寂上人房留辭前蘇州韋使

君

前人

白雲乖始願滄海有微波戀舊常趨府臨危欲負戈春歸
花殿暗寒傍竹房多耐可機心息其如羽檄何

湖南使還留辭辛大夫

前人

王師勞近甸兵食仰諸侯天子無南顧元勳在上游大才
生間氣盛業極橫流風景隨搖筆山川入運籌羽觴交餞

席旄節對歸舟鸞識春深恨猿知日去愁別離花寂寂南
北水悠悠唯有家將國終身共所憂

江州留別薛六柳八二員外

前人

江海逢君少東南別處長獨行風嫋嫋相去水茫茫白首
辭同舍青山背故鄉離心與朝信每日到潯陽

曲阿對月別岑况徐說

集作說

前人

金陵已蕪沒函谷復煙塵猶見南朝月還隨上國人白雲
心自遠滄海意相親何事須成別汀洲欲暮春

長沙相王墓下別李紆張南史

前人

長沙千載後春草獨萋萋流水朝空集作暮行人東復西
碑苔幾字滅山木萬株齊未有年芳在集作今古相看惜

解携

此詩三百六卷六已削去

雨中過負稷巴陵山居贈別 前人

憐君洞庭上白髮向人垂積雨悲幽獨長江對別離牛羊
歸故道猿鳥聚寒枝明發遙相望雲山不可知

別陳留諸官 前人

戀此東道主能令西上遲徘徊暮郊別惆悵秋風時上國
邈千里夷門難再期行人望落日歸馬嘶空陂不愧寶刀
贈唯懷瓊樹枝音塵儻未接夢寐徒相思

留別嚴士元 前人

赴南巴 留別褚七少府湖上亭 前人

穎川留別司倉李萬 前人

故人早負干將器誰言未展平生意思君疇昔高步時豈
肯集作料如今折腰事且知投刃皆若虛日揮案牘常有餘

槐暗公門趨小吏荷香陂水膾鱸魚客裏相逢款語 一作

深如何歧路剩沾襟白雲西上催歸念穎水東流是別心
落日征驂隨去塵含情揮手背城闈已恨良時空此別不

堪秋草傷 集作愁人

昔昔鹽 薛道衡

垂柳覆金堤薜蘿蕪葉復 一作齊水溢芙蓉沼花飛桃李蹊
採桑秦氏女織錦竇家妻關山別宕子風月守空閨恒斂

千金笑長垂雙 一作玉啼盤龍隨鏡隱彩 一作鳳逐帷 一作
雲低飛 一作魂同夜 一作鵲倦寢憶晨雞暗牖懸珠網空

梁落燕泥前年過代北今歲往遼西一去無消息 一作那
能惜馬蹄

右此篇文苑英華題作劉長卿別宕子怨長卿集初無
此篇而郭茂倩樂府及洪邁容齋續筆並以為薛道衡

昔昔鹽按通鑑隋煬帝誅道衡曰更能作空梁落燕泥
否英華殆因韋縠編唐才調集作劉長卿詩而誤也其
間八字異同已注一作邁又云玄恠錄載蘧篥三娘工
唱阿鵲鹽又有突厥鹽黃帝鹽白鵠鹽神雀鹽疎勒鹽
滿座鹽歸國鹽唐詩媚賴吳娘唱是鹽更奏新聲刮骨
鹽然則歌詩謂之鹽者如吟行曲引之類今南嶽廟獻
神樂曲有黃帝鹽而俗傳以爲皇帝炎長沙志從而書
之蓋不考也然邁旣謂才調集有趙嘏廣道衡燕泥一
詩不應以趙爲劉長卿云

留別王盧二拾遺

李頎

此別不可道此心當報誰春風灞水上飲馬桃花時誤作
好文士只令遊官遲留書下期疑客我故有山期

包何

常州韋郎中汎舟見餞

李嘉祐

主人憑軾賁送客汎舟稀逼岸隨芳草回橈背落暉映花
雙節駐臨水伯勞飛醉與羣公狎春塘露冕歸

留別毗陵諸公

前人

久作涔一作峯陽令丹墀忽再還淒涼辭澤國離亂到鄉山
北固潮聲滿南徐草色閑知心從此別相憶鬢毛斑

晚歸籃田酬中書常舍人贈別

錢起

卑栖却得性每與白雲歸徇祿仍懷橘看山免采薇暮禽
先去馬新月待開扉霄漢時回首知音青瑣闈

鑿駕避狄歲寄別韓雲卿

前人

白髮壯心死，愁看國步移。關河慘無色，親愛忽驚離。影絕龍分劍，聲哀鳥戀枝。茫茫海雲外，相憶不相知。

集作所嗟黃鵠去淒

斷錄雲垂

留別鄭礪

郎士元

暮蟬不可聽，落葉豈堪聞。是日悲秋客，那能此路分。荒城背流水，遠鴈入寒雲。陶令東籬菊，餘花可贈君。

別房士清

前人

世路還相見，偏堪淚滿衣。那能郢門別，獨向鄴城歸。平楚看蓬轉，連山望鳥飛。蒼蒼歲陰暮，況復惜馳暉。

咸陽西樓別竇審

前人

西樓迴起寒原上，霽日遙分萬井間。小苑城隅連渭水，離宮曙色近京關。亭臯寂寞傷孤客，雲雪蕭條滿衆山。時命

如今猶未偶，辭君擬欲拂衣還。

潤州南郭留別

皇甫冉

縈回楓葉岸，留滯木蘭橈。吳岫新經雨，江天正落潮。故人勞見愛，行子自無聊。君疑作若問前程事，孤雲入剡遙。

贈別崔十三長官

顧況

真玉燒不熱，寶刀拘不折。欲別崔俠心，如鐵復如金。剛鑽無有功，不徹仍於直道中。行事不詆訐，崔俠兩兄弟垂範。繼芳烈，相識三十年。致書字不滅，我來宣城郡飲水仰清。潔藹藹，此阜松峩峩。南山雪願生歸山去，知作幾年別。

別江南

前人

江城吹曉角，愁殺遠行人。漢將猶防廬，吳官欲向秦。布帆輕白浪，錦帶入紅塵。將底求名官，平生但任真。

贈別安邑韓少府

耿緯

子真能未往自集作江海意何如門掩疎塵吏心閑說道集作
道書故城集作寒欲雪遠客暮無車杳杳恩前路誰堪千
里餘

別解明府集作別解暮雪集作前人

閑人州縣厭賤士友朋譏朔雪逢初不秦關獨暮霏寒蕪
上原淺殘燒過風微一路何相慰唯君能致歸集作
政稀

邠州留別 前人

終歲山川路生涯竟幾何艱難爲客慣貧賤受恩多暮角
飄長韻寒流起細波懸愁暮陵宅春色又相過

歸山與酒徒別 李端

野客本無意集作此來非有求煩君勸藥送未遜集作憶
山愁紅燭侵明月青娥促白頭童心久已盡豈爲豔歌秋

集作留

春日書情贈別司空曙已見二百卷盧綸

落第後歸山下舊居留別劉起居昆季 前人

寂寞過朝昏沉憂豈易論有時空卜命無事可酬恩寄食
依鄰里成家望子孫風塵知世路衰賤到君門醉裏因多
感愁中欲強言花林逢廢井戰地識荒園悵別臨晴野悲
春上古原鳥歸山外樹人過水邊村潘岳方稱老嵇康本
獸喧誰堪將落羽回首仰飛翮

將赴京留別令公 前人

沙鶴驚野雨初收大河雲物颯然秋力微恩重諒難報不
是行人不解愁 驚夜雨初收集作野雨收集作雲物集作風物

留別鄒紹劉長卿 嚴維附見劉

中年從一尉自笑此身非道在集作薄集作甘微祿時難恥息機
是趨本郡府晝掩故山扉待得集作見集作干戈畢何妨更採微

留別道州李使君圻

戴叔倫

瀧路下丹徼，郵童揮畫橈。山回千騎隱，雲斷兩鄉遙。
漁滬擁寒溜，畬田落遠燒。維舟更相意，惆悵坐空宵。

將遊東都留別包諫議

集作將赴東陽留別包諫議

前人

衰容慙墨綬，素舸逐秋風。雲雨思難報，江湖意已終。
縣當仙洞口，路出故園東。唯有新離恨，長留夢寐中。

灞岸別友

前人

車馬去遲遲，離言無盡時。看花一醉別，會面幾年期。
樵路

高山館漁洲，楚帝祠南登。回首處，猶得望京師。

江南別

一作汝南逢

董校書

已見二百卷

前人

臨川從事還別崔法曹

前人

繆官辭獲免，濫獄會平反。遠與故人別，龍鍾望所言。
陰天寒不雨，古木夜多猿。老病北歸去，餘年學灌園。

海上別薛丹

前人

行旅悲搖落，風波馱別離。客程秋草遠，心事故人知。
暮鳥翻江岸，征徒起路歧。自應無定所，還似欲相隨。

婺州路別錄事

前人

府中相見少，江上獨行遙。會日起離恨，新年別舊寮。
春雲猶伴雪，寒渚未通潮。回首羣山暄，思君轉寂寥。

酬別蔡十二見贈

權德輿

伊人茂天爵，恬澹臥郊園。傲世方隱几，說經久顛門。
浩歌曳柴車，詎羨丹轂尊。嚴霜被鷄衣，不知狐白溫。
游心羲文際，愛我相討論。潢汙忽朝宗，傳騎令載奔。
崢嶸歲陰晚，惝恍離念繁。別館絲桐清，寒郊煙雨昏。
中飲見逸氣，縱談窮化元。佇看公車赴，聖代待乞言。

餘干贈別張二十二侍御

前人

蕪城陌上春風別，千越亭邊歲暮逢。驅車又愴南北路，返照寒江千萬峯。

毗陵留別

朱放

別離非一處，此處最傷情。白髮將春草，相隨日月生。

別李季蘭

前人

古岸新花開一枝，岸旁花下有分離。莫將羅袖拂花落，便是行人腸斷時。

出三城留別幕中三判官

劉復

翔禽記高柯，倦客念主人。恩義有所加，四海同一身。況皆曠代姿，翰音及良辰。陳規佐武略，高枕據要津。嘗疑作願投素誠，今果得所申。金壘列四座，廣廈無炎氛。留連徂暑中，觀望歷數旬。河山險以固，士卒勇且仁。飭裝告來歸，相送越城闈。愧無青玉案，緘佩永不泯。

楚州贈別周原侍御

陳存

漂泊楚水來，捨舟坐高館。窮在中路，孤征慕前伴。風雨一留宿，關山去欲懶。淮南木葉飛，夜聞廣陵散。

留別杜員外式方

鮑溶

東風吹旅懷，鄉夢無夜無。慙歎集作見君子堂，貧思上歸途。海岳汎念深，涓塵復何須。婆娑不才木，屈曲無弦弧。惻惻奉離樽，承歡獨向隅。時當鳳來日，孰用雞鳴夫。回首九仙門，皇家在玉壺。慙非海人別，淚下不成珠。

登仕郎胡柯 鄉貢進士彭叔夏 校正

文苑英華卷第二百八十八

詩一百三十八

留別三

釋靈一三首

釋護國一首

釋法震一首

釋皎然一首

楊衡三首

歐陽詹二首

韓愈二首

孟郊四首

張籍四首

白居易三首

姚合一首

于武陵一首

盧肇一首

賈島六首

朱慶餘一首

釋無可一首

周賀二首

溫庭筠三首

許渾四首

項斯一首

顧非熊一首

馬戴八首

趙嘏五首

喻坦之一首

陳陶四首

鄭谷四首

杜荀鶴四首

張喬一首

張蠙二首

羅隱二首

留別忠州故人

釋靈一

一身無定處萬里獨銷魂
芳草迷歸路春流滴淚痕
幾時休旅食何夜宿江村
欲識思相苦空山啼暮猿

贈別皇甫曾

前人

幽人從遠岳過客愛春山
高駕能相送孤遊且未還
紫苔封井石綠竹掩柴關
若到雲峯外齊心去住間

歸岑山留別

前人

禪客無心憶薜蘿自然行
逕向山多知君欲問人間事
始與浮雲共一過

別盛安

釋護國

情人取次幾淹留別後南州與北州
月色爲憐今夜客堪聲那似去年秋
欲除豺虎論三略莫對雲山詠四愁
親故相逢且借問古來無種是王侯

別盧使君歸故柵村

釋法震

歸風白馬引嘶聲落日猶看楚興情
塞口竹緣空戍沒潮頭沙擁慢岡成
松田且欲親耕種郡守何偏問姓名
東道宿程投故柵依依漁父解相迎

別山并序

釋皎然

時因主人寄風溪蘭若與道士石脅峯相隣
禪僧仙師時得道會至秋中值外緣有請別山懷舊遂有是詩
山翁亦好禪借我風溪樹採藥多秋蓬汲泉有春渡幽僧
時相遇仙子或與晤自許戰勝心彌高獨遊步如何區中

事奪我林栖趣辭山下復上戀石行仍顧宿昔情或乖庶
幾跡無誤松聲莫相誚此心冥去住

桂州與陳羽念別

楊衡

慘戚損志抱因君時解顏重歎今夕念復在幾夕間碧桂
水連海蒼梧雲滿山茫茫從此去何路入秦關

夷陵郡內敘別

前人

禮娶嗣明德同牢夙所欽沉蒙生死契豈顧蓬蒿心鴈幣
任野薄恩愛緣義深同聲若鼓瑟合韻似鳴琴將迂空未
立就贅意難任皎月託言誓滄波信浮沉荆臺理晨撤
巫渚疑宵襟憫憫百慮起回回萬恨侵候更促徒侶先曉
撤夜衾燈彩凝寒風蟬思噪密林留念同心帶贈遠芙蓉
簪撫懷極投漆感物重黃金分鸞豈遐阻別劍念相尋儻甘
蓬戶賤願侯故山岑

將之荊州南與張伯剛馬惣鍾陵夜別 前人

荆臺別路長蜜緒分離狀莫訴杯未促更籌屢已倡燭花
侵霧暗瑟調含風亮詎念曉帆開默涕參差浪

蜀中將歸留辭韋相公

歐陽詹

寧體則雲構方前怛玉食貧居豈及此要自懷歸憶在夢
關山遠如流歲華逼明晨首鄉路迢遞孤飛翼

江夏留別華二

集作別辛三十時自襄陽同舟而下不歸關華集作辛從此赴

前人

弭棹已傷別不堪離緒催十年一心人千里同舟來鄉路
我集作尚遙客遊集作君未回將何慰兩端未免集作臨
歧杯

醉中留別襄州李相公

韓愈

濁水汙泥清路塵還曾同制掌絲綸眼穿長訝雙魚斷耳

熱何辭數爵頻銀燭未銷窻送曙金釵半醉一作座添春
知公不久歸釣軸應許閑官寄病身

此詩二百五十七卷重出今已削去注異同為一作

趙州留別張使君 前人

來往再逢梅柳新別離一醉綺羅春
歎虞翻骨相屯鳴笛急吹催落日清歌緩送感行人已知
奏課當徵拜那復淹留詠白蘋

汴州留別韓愈 孟郊

不飲濁水瀾空滯此汴河坐見遠岸冰盡為還海波四時
不在家弊服斷線多遠客獨顛顛春英各婆娑荒陂集作汴水
饒曲流野桑無直柯但為君子心歎息終匪他

下第東歸留別長安知己 前人

共照日月影獨為愁思人豈知鷓鴣鳴瑤草不得春一片

两片雲千里萬里身雲歸嵩之陽身寄江之濱棄置復何
道楚情吟白蘋

長安留別李觀韓愈因獻張徐州 前人

富別愁在顏貧別痛銷骨懶磨舊銅鏡畏見新白髮古樹
春無花子規啼有血離絃不堪聽一聽三四裂集作四世

途非一儉俗慮有文粹千結有客步大方驅車獨迷轍故

人韓與李逸翰雙皎潔哀我摧折歸贈詞縱橫設徐方國
東樞元戎天下傑彌生投刺遊王粲吟詩謁高情無遺照
朗抱開曉月有土不埋冤有讎皆為雪願為直草木永向
君地列願為古琴瑟永向君聽發欲識大夫心曾將寶集
孤劍說

怨別 前人

一別一回老志士髮白早在富易為容居貧難自好沉憂

損性靈服藥亦枯槁秋風客集作遊子衣落日行遠道君問
去何之賤身寧集作難自保

襄州集作國別友

張籍

晚集作曉色荒城下相看秋草時獨遊無定計不欲道歸集作來
期別處去家遠愁來集作中驅馬遲歸人渡煙水葉落集作
野棠枝

春日留別

前人

遊人欲別離醉復對花枝看却春又晚莫輕少年時臨行
記分處回首是相思各向天涯去重來未有一一作期

留別江陵王少府

前人

迢迢山上路病客獨行遲況此分襟日一作當君失意時
寒林露遠驛晚燒過荒陂別後空回首相逢未有期

蘇州江岸留別樂天

前人集無

銀泥裙映錦障泥畫舸停橈馬簇蹄清管曲終鸚鵡語紅
旂影動薄寒嘶漸消酒色朱顏淺欲語離情翠黛低莫忘
使君吟詠處汝墳湖北武丘西

郢州贈別王七使君

白居易

昔是詩狂客今爲酒病夫強吟翻悵望縱醉不歡娛鬢髮
三分白交親一半無郢城君莫賦猶較近京都

別韋薊

前人

百年愁裏過萬感醉中來惆悵城西別愁眉兩不開

留別微之

前人

干時久與本心違悟道深知前事非猶歎勞形辭郡印那
能趣伴着朝衣五千言裏教知足三百篇中勸式微少室
雲邊伊水畔比君較老合先歸

別友人集作別李餘

姚合

病僮將瘦馬難算往來程野寺僧相送河橋酒滯行足愁
無道性久客會人情何計鬻貧集作窮盡同居不出城

夜與故人別

于武陵

白日去難駐故人非舊容今宵一別後何處更相逢過楚
水千里到秦山萬一作幾重話一作語來天未一作又曉夜落滿
城鐘一作皆詩選

別宜春赴舉

盧肇

秋天草木正蕭疎西望秦關別舊居筵上房罇今日酒篋
中黃卷古人書辭鄉且伴集且作銜蘆鴈入海終為戴角
魚長短九霄飛直上不教毛羽落空虛

留別徐明府

賈島

抱琴非本意生事偶相縈口尚袁安節身無子賤名地寒
春雪盛山淺夕風輕百戰餘荒野千夫漸耦耕一杯宜獨

夜孤客戀交情明日疲驂去蕭條過古城

二月晦留別鄆中友人

前人

立馬柳花裏別君當酒酣春風漸向北雲鴈不飛南明曉
日初一今年月又三鞭羸去暮色遠岳起煙風

却赴南巴留別蘇臺知己

前人

人集作又過梅嶺上歲歲北風集作枝寒落日孤舟去青山萬
里看猿聲湘水靜草色洞庭寬已料生涯事集作唯應持

集作把釣竿

劉長卿曾貶南巴尉此詩已載本集今英華誤作賈島詩

下第別人

前人

下第鬢毛蒼徘徊戀帝鄉嬰聲寒食後人醉曲江傍淚落
故山遠病來春草長知音豈易別孤棹復三湘

留別光州王使君

前人

杜陵千里外期在末秋歸既見林花落須防木葉飛楚從
何地盡淮隔數峯微回首餘霞失斜陽照客衣

欲遊嵩岳留別李少尹

前人

孤策遲回洛水湄孤禽嘹唳集作幸人知嵩岳望中常待
我河梁欲上未題詩新秋愛月愁多雨古觀尋集作仙看
盡基微眇此未將敢問鳳凰何日定歸期集作

將之京別李侍御

朱慶餘

心疑作地偶相見語多為別難詩成公府晚路入翠微寒
逢石自應坐有花誰共看唯當隨去鴈雪盡到長安

金州別姚合

釋無可

日日西亭上春留到夏殘言之離別易勉以道途難山出
一千里溪一作行三百灘松間樓裏月秋入五陵看

辭杭州姚郎中

周賀

波濤千里隔抱疾亦難集作尋會宿逢高士燒山值積霖
藂桑山店迴孤火海雲集作深高有重來約知無省閤心

京口別崔固

前人

積雨晴時近西風葉滿泉相逢嵩岳客共聽楚城蟬宿館
橫秋島歸帆漲遠田別君還寂寞不似剡中年

江上別友人

溫庭筠

秋色滿葭菼離人西復東幾年方暫見一笑又難同地勢
蕭陵歇江聲禹廟空如何暮灘上千里逐離鴻

與友人別

前人

半醉別都門含妻上古原晚風楊葉社寒食杏花村薄暮
牽離緒傷春憶晤言年芳本無限何況有蘭蓀

曉別

前人

翠羽花冠碧樹雞未明先上短墻啼窻間謝女青娥飲門

外蕭郎白馬嘶殘曙微星當戶沒澹烟斜月照樓低上陽
宮裏鐘聲動不語垂鞭過柳堤

留別為處士見二卷三十一卷

許渾

下第別友人楊至之

前人

花落水潺潺十年離故集作舊山夜愁添白髮春淚減朱顏

孤劍北遊塞遠書東出關逢君話心曲一醉灞陵間

留別裴集作劉秀才

前人

三獻無功玉有瑕更携書劍客天涯孤帆夜別瀟湘雨廣

陌春期鄂杜花燈照水螢千點滅棹驚灘鴈一行斜關河

迢遞秋風急望見鄉山不到家

瓜洲留別李詡

前人

泣玉三年一見君白衣顛顛更離羣柳集作楊堤惜別春潮

落花謝留歡夜漏分孤館宿時風帶雨遠帆歸處水連雲

悲歌曲盡休重奏心遠關河不忍聞

省中重別

詩選作留別張籍郎中

項斯

省中重拜別兼領寄人書已念此程詩選作行遠不憂相問疎

禁詩選作子城西並宅御水北同渠要取春前到乘閑侯起居

舒州酬別上卿

顧非熊

故交他郡見下馬失愁雲執手向殘日分襟在曉鍾鄉心

隨皖水客路過廬峯衆惜君材器何為滯所從

下第別令狐員外

馬戴

論文期雨夜飲酒及芳晨坐歡百花發潛驚雙鬢新舊交

多得路別業遠仍貧便欲辭知己歸耕海上春

將別寄友人

前人

帝鄉歸未得辛苦事羈遊別館一罇酒客程千里秋霜風

紅葉寺夜雨白蘋洲長恐此時淚不襟和恨流

留別定襄郡盧軍事

前人

行行與君別路在鴈門西秋色見邊草軍聲戍鼓聳銜盃
繫寶劍躍馬上荒堤歸去咸陽里平生心不迷

江行留別

見二百九十四卷

前人

攄情留別并州從事

前人

淺學常自鄙謬承賢達知才希漢主召王任楚人疑年長
慙漂泊思深惜別離秋光獨鳥逝暝色一蟬悲鶴髮生何
速龍門上苦遲鵬蟲羞朗鑒干祿貴明時故國誠難返青
雲致未期空將感激淚一自灑臨歧

下第別友人

前人

金門君待問石室我思歸聖主尊黃屋何人薦白衣年來
御溝柳贈別雨霏霏

下第別郗夫

前人

窮途別故人京洛泣風塵在世即應老他鄉又欲春平生
空志學晚歲拙謀身靜話歸林計唯將滄海親

酬田卿送西遊

前人

華堂開翠簾惜別玉壺深客去當煩暑蟬鳴復此心廢城
喬木在古道濁河侵莫慮西遊遠西關絕隴陰

旅館聞鴈別友人

趙嘏

路遠秋塘首獨搔背羣燕鴈正呼號故關何處重相失碧
落有雲終自高旅宿去緘他日恨單飛誰見此生勞行衣
濕盡千山雪腸斷金籠好羽毛

別麻氏

前人

曉哭呱呱集作鳴動四隣於君我作負心人出門便涉東西
路集作便回首初驚枕席鹿滿眼淚珠和語咽舊窻風
月更誰親集作傷分離集作離況值花時節從此東風不似春

代人贈別

前人

月自斜窗夢自驚，衷腸中有萬愁生。
清猿處處三聲盡，碧落悠悠一水橫。
平子定情詞麗絕，詩人匪石誓分明。
會須携手乘鸞去，簫史樓臺在玉京。

留別

前人

水邊秋草暮萋萋，欲駐殘陽恨馬蹄。
曾是管絃同醉伴，一聲歌斷各東西。

寒食新豐別友人

前人

一百五日家未歸，新豐雞犬獨依依。
滿樓春色傍人醉，半夜雨聲前計非。
繚繞溝塍含綠晚，荒涼樹石向川微。
東風吹滂對花落，憔悴故交相見稀。

留別友人書齋

喻坦之

相見不相睽，留日已西軒。
涼庭木大巷，僻鳥巢低背俗。

修琴譜思

活藥畦卜隣，期太華同上上方梯。

湓城贈別

陳陶

楚岸青楓樹長隨，送遠心九江。
春水闊三峽，暮雲深氣調。相伊笛才華，蔡琰琴迢迢。
嫁湘漢誰不重黃金。

將歸鍾陵留贈南海李尚書

前人

楚國有田舍，炎州長夢歸。
懷恩似秋燕，屢遶玉堂飛。
越酒豈不甘，海魚寧無肥。
山裘醉歌舞，事與初心違。
擘擘文昌公，英靈世間稀。
仁江浩無際，龍蜃皆歸依。
賤子感一言，草茅發光輝。
從來鷄鳧質，得假鳳凰威。
常欲討玄珠，青雲報巍巍。
龍門竟多故，雙淚別旂旂。

贈別

前人

海國一尺綺，冰壺萬縷絲。
以君西攀桂，贈此金蓮枝。
高鳥思茂林，窮魚樂滂池。
平生握中寶，無使歲寒移。

贈別離

前人

碧玉飛天星墜地玉劍分風交合水揚柳聽歌莫向隅雞
鳴一石留髡醉蹄一作稀輪送客溝水東月娥揮手崦嵫峯
蠻天列嶂儼相待風官掃道迎游龍天姥剪霞鋪曉空滌
滌大帝開明宮文鯨掉尾四海通分明瀑布收靈桐山妖
水魅騎旋風厭夢齧魂黃瘴中借君朗鑑入崆峒靈光草
照鮮花紅

別同志

鄭谷

所立共寒苦平生同與游相看臨遠水獨自上孤舟天澹
滄浪晚風悲蘭杜秋前程吟此景爲子上高樓

贈別

前人

南遊曾共遊相別倍相留行色回燈曉離聲滿笛秋穩眠
彭蠡浪好醉岳陽樓明日逢佳景爲君成白頭

別修覺寺無本上人

前人

松上江雲石上苔自嫌歸去夕陽催山門握手無他語祇
約今東看雪來

宗人作尉唐昌官署幽勝而又博學精富得以
言譚將欲他之留書屋壁

前人

公堂瀟洒有林泉祇隔苔牆是渚田宗黨相親離亂世春
秋閑論戰爭年遠江驚鷺來池口絕頂歸雲過竹邊風雨
夜長同一宿舊游多共憶樊川

雪中別詩友

杜荀鶴

酒寒無小戶請滿酌行杯若待雪銷去自然春到來出城
人跡少向暮鳥聲哀未遇應關命侯門處處開

別從叔

前人

立馬不忍上醉醒天氣寒都緣在門久集作易直自集作似別

家難世路既如此客心須自寬歸期亦羈束集作江村爭
及向集作長安

辭座主侍郎

前人

一飯尚懷感况攀高桂枝此恩無處報故國遠歸時只恐
兵戈隔再趨門館遲茅堂拜親後特地淚雙垂

辭鄭員外入關赴舉

前人

男兒三十尚蹉跎未遂青雲一桂科在客易爲銷歲月到
家難住似經過帆飛楚國風濤闊馬渡藍關雨雪多長把
行藏信天道不知天道意如何

江南別友人

張喬

勞生故白頭頭白未應休闕下難孤立天涯尚旅遊聽猿
吟島寺待月上江樓醉別醒惆悵雲帆滿辭流

邊遊別友人

張嬪

欲別不止淚當盃難強歌家貧隨日長身病涉寒多雨雪
迷燕路田園隔楚波良時未自致歸去欲如何

將之京師留別親友

前人

達命何勞問西遊且自期至公如有日知我豈無時野迴
蟬相答堤長柳對垂酣歌一舉袂明發不堪思

商於驛與于韞玉話別

羅隱

多病仍疎拙唯君與我同帝鄉年共老江檄業俱空燕冷
辭華屋一作蛩涼恨曉叢白雲高幾許全屬採芝翁

羅隱集中別有一篇其題目同而詩異今並載于此南
朝徐庾流洛下憶同遊酒採開坊菊山登遠寺樓相思
勞寄夢偶別已經秋還
被青青桂催君不自由

奉使宛陵別二三從事

前人

梁王雪裏有深知偶別家鄉隔路歧官品共傳勝曩日酒
盃爭肯認當時豫章地援矜千尺越嶠天寒愧一枝還有

釣魚簑笠在不堪風雨失歸期

登仕郎胡柯

鄉貢進士彭叔夏校正

文苑英華卷第二百八十八

文苑英華卷第二百八十九

詩一百三十九

行邁一

梁元帝三首

江洪一首

吳均二首

劉孝儀一首

劉孝威一首

王僧孺一首

朱超一首

陰鏗三首

庾信一首

顏之推一首

王褒一首

江惣一首

孔德昭一首

孫萬壽四首

陳子良二首

李百藥一首

王勃七首

楊炯二首

盧照隣四首

駱賓王十二首

席豫二首

陳子昂二首

沈佺期七首

早發龍巢

梁元帝

征人喜放溜曉發晨陽隈初言前浦合定覺近州開不疑
行舫動唯看遠樹來還瞻起漲岸稍隱陽雲臺

自江州還入石頭

同前

一作劉孝標

鼓柁浮大川遙睇雒城觀雒城何鬱鬱香雨雲霄半前望

青

一作蒼

龍門斜瞻白鶴館槐垂御溝道柳綴金堤岸迅鳥

馬

一作

晨風趨輕輿流水散高唱

一作歌

梁塵下湘瑟翔禽亂

荆

一作禽亂

我思江海遊曾無朝市玩忽寄靈臺宿空軫及

關歎仲子入南楚伯鸞出東漢何能栖樹枝取斃王孫彈

一作皆藝文類聚

赴荊州泊三江口

同前

涉江望行旅金鉦間綵旂水際含天色虹光入浪浮柳條

恒掃岸花氣盡薰舟叢林多故社單戍有危樓疊鼓隨朱

鷺長簫應紫駟蓮舟夾鶴髦畫舸覆緹油榜歌殊未息於

此泛安流

江行

江洪

日沒風光靜遠山清

類聚作深

無雲潮落曉洲出浪罷沙成文

挾琴上高岸望月彈明君去家未千里斷絕怨離羣

江上酬鮑畿

吳均

見類聚

振棹出江湄依依望九疑欲謁蒼梧帝過問沅湘姬折荷
縫作蓋落羽紡成絲吾行別有意不為君道之

初至壽春作

前人

桓譚不賣

集作買

交馮子任紆直浮瀕逐波彩飄揚姿風力

北州少知舊南陽寡相識中駕每傾輪騫復

集作輒

摧翼望

美無津梁私自憐何極

帆度吉陽洲

劉孝儀

揚帆乘浪華參鼓類聚作要揚風力近樹儵而遐遙山俄已
逼欲比驚龍掣將頓陽鳥翼客行悲道遠唯須前路極

同前

劉孝威

江風凌晚急鉦鼓候晨催幸息傍人唱聊望高帆開聯村
倏忽盡循汀俄頃回疑是傍洲退似覺前山來將與圖南
競誰云勞泝洄

至牛渚憶魏少英

王僧孺

楓林暖似畫沙岸淨一作如掃空籠望懸石回敘見飛鳥

一作危島綠草間遊蜂青葭集輕鳴布老切鳴徘徊洞初月侵

淫漬一作潰春潦非願歲物革一作革徒用風光好一作皆藝

夜泊巴陵

朱超

月夜三江靜雲霧四邊收淤泥不通挽寒浦劣容舟迴類聚

迴作風折長草輕冰斷細流古村空列樹荒戍久無樓

和傅郎歲暮還湘州

陰鏗

蒼茫歲欲晚愁一作辛苦客方行大江靜猶浪扁舟獨且征

棠枯絳葉落一作盡蘆凍白花輕戍人寒不皇沙禽回一作迴

未驚湘波若空一作各深淺輕棹一作空念歸情

一作皆藝文類聚

晚泊五洲

前人見類聚

客行逢日暮結纜晚洲中戍樓因碁險村路入江窮水隨
雲度黑山帶日歸紅遙然一柱觀欲輕千里風

渡青草湖

已見一百六十三卷

前人

同州還

庾信

赤岸繞新村青城臨綺門范睢新入相穰侯始出蕃上林
催櫓響河橋爭渡喧竄雉飛橫澗藏狐入斷原將軍高晏

晚來過青竹園

從周入齊夜度砥柱

顏之推

俠客重艱辛夜出小平津馬色迷關吏雞鳴起戍人露鮮
華劍彩月照寶刀新問我將何去北海就孫賓

渡北河

已見一百六十卷

王褒

并州羊腸坂

江惣見集本

三春別帝鄉五月度羊腸本畏車輪折翻嗟馬骨傷驚風
起朔鴈落照盡胡桑關山定何許徒御慘悲涼

夜宿荒村

孔德昭

綿綿夕漏深客恨轉傷心無弦無人聽對酒時獨斟故鄉
萬里絕窮愁百慮侵秋草思邊馬遶枝驚夜禽風度谷餘餘
響月斜山半陰勞歌欲敘意終是白頭吟

行經舊國

孫萬壽

蕭條經關遠帳望羈心愁舊邸成三逕故園餘一丘庭引
田家客池泛野人舟日斜山氣冷風近樹聲秋弱年陪宴
喜方茲幾獻酬脩竹慙詞賦叢桂且淹留自忝無員職空
貽不調羞武綺非其好還思江漢遊

早發揚州還望鄉邑

前人

鄉官不再見悵望窮此晨山煙蔽鍾阜水霧隱江津洲渚
斂寒色杜若變芳春無復歸飛羽空悲沙塞塵

東都在路率爾成詠

前人

學官兩無成歸心自不平故鄉尚千里秋山猿夜鳴人愁
慘雲色客意愧風聲羈恨雖多約俱是一傷情

和張丞奉詔於江都望京口

前人

回首觀濤處極望滄海涓流波去無恨喬木不勝悲蓬萊
雖已變池塘尚所思歸飛路窮此悵望情難持吾生乃民

季疇日佐藩維尚想西園夕猶懷北圃時城邑纔辨處風
煙忽何之政予未能已顧歎空遲遲

入蜀秋夜宿江渚

陳子良

我行逢日暮弭棹獨維舟水霧一邊起風林兩岸秋山陰
黑斷磧月影素寒流故鄉萬里外何以慰羈愁

於塞北春日思歸

前人

我家吳會青山遠他鄉關塞白雲深爲許羈愁長下淚那
堪春色更傷心驚鳥屢飛怕失侶落花一去不歸林如何
此日嗟遲暮悲來還作白頭吟

晚渡江津

李百藥

寂寂江山晚蒼蒼原野暮秋氣懷易悲長波淼難泝索索
風葉下離離早鴻度立壑列夕陰葭莢凝寒露日落亭臯
遠獨此懷歸暮

散關晨度

王勃

關山凌旦開石路無塵埃白馬高談去青牛真氣來重門
臨巨壑連棟接崇隈即今揚策度非是葉繡回

邑揚早發

集作易陽早發

前人

飭裝侵曉月奔策候殘星危閣尋丹嶂回梁屬翠屏雲間
迷樹影霧裏失峯形復此涼飈集作南飈至空山飛夜螢

焦崖早行和陸四

前人

侵星違旅館秉月戒征儔複嶂迷晴色虛巖辨暗流猿吟
山漏曉螢散野風秋故人渺何際鄉關雲霧浮

麻平晚行

前人

百年懷土望千里倦遊情高低尋戍道遠近聽猿集作泉聲
澗葉纔分色山花不辨名羈風何處盡風急暮猿清

深度

夜宿主人依山帶江

前人

津塗臨巨壑村宇架危岑堰絕灘聲隱峯交樹影深江童
暮理檝山女夜調砧此時故鄉遠寧知遊子心

長柳

前人

晨征犯煙磴夕息在雲關晚風清近壑新月照澄灣郊童
樵唱返津叟釣歌還客行無舊識集作與晤賴此釋愁顏

泥溪

前人

弭棹凌奔壑低鞭躡峻岐江濤出岸險峯磴入雲危溜急
船文亂巖斜騎影移水煙籠翠渚山照落丹崖風生蘋浦
葉露泣集作法竹潭枝泛水雖雲美勞歌誰復知

早行

楊炯

見集本

敞朗東方徹闌干北斗斜地氣俄成霧天氣漸作霞河流
纔辨馬巖路不容車阡陌經三氣閭閻對五家露文沾細
草風影轉高花日月送來惜關山猶自賒

途中

前人

見集本

悠悠辭鼎邑去去指金墉途路盈千里山川亘百重風行
常有隊雲出本多峯鬱鬱園中柳亭亭山上松客心殊不
樂鄉淚獨無從

早度分水嶺

同用寒字

盧照隣

千集作丁年遊蜀道萬里集作斑向長安徒費周王粟空彈漢
吏冠馬蹄穿欲盡貂裘故轉寒層冰橫集作播九折積石凌
七盤重溪既下漱峻峯亦上干隴頭聞戍鼓嶺集作雲外咽
飛湍瑟瑟松風急蒼蒼山月團傳語後來者斯路誠獨難

入秦川界

前人

隴坂長無極蒼山望不窮石徑縈疑斷回流映似空花開
綠野霧鸞轉紫巖風春芳勿遽盡留賞故人同

至陳倉曉晴望京邑

前人

見集本

拂曙驅飛傳初晴帶曉涼霧斂長安樹雲歸仙帝鄉澗流
漂素沫巖景藹朱光今朝好風色延瞰極天莊

晚渡浮沔敬贈魏大

前人

津谷朝行遠冰川夕望曛霞明深淺浪風卷去來雲澄波
泛月影激浪聚砂文誰忍仙舟上携手獨思君

春日離長安客中言懷集作春駱賓王

年華開早律霽色蕩芳晨城郭集作千門曉山河四望春

御溝通太液戚里對平津寶瑟調中婦金罍引上賓劇談

推曼倩驚坐揖陳遵意氣一言合風期一作萬里親自惟

安直道守拙忘集作因人談氣先蟠木集作非圖榮異後

薪欵歎悲集作路鬼顛賴切波臣玄草終疲漢烏裘幾

滯秦生涯無歲月岐路有風塵還嗟太行道處處白頭新

晚度天山有懷京邑

前人

忽上天山望集作依然想物華雲疑天集作苑葉雪似御

溝花行嘆征蓬集作遠坐憐衣帶賒交河浮絕塞弱水沒

集作流沙旅思徒漂梗歸期未及瓜寧知心斷絕夜夜泣

鳴集作笳

晚泊河曲

前人

三秋倦行役千里泛歸潮通波竹箭水輕舸木蘭撓金堤

連遠集作岸貝闕影浮橋水淨千年近星飛五老遙疊花

開宿浪浮葉下涼飈浦荷疎晚的津篠集作漬寒條栖惶

勞梗浮悽斷仙槎不可託河上獨長謠

晚渡黃河

前人

千里尋歸路一葦亂平原通波連馬頰逆水急龍門照日

榮光淨驚風瑞浪翻棹唱依聞集作斷樵歌集作入聽喧

岸迴秋霞落潭深夕霧繁誰堪逝川上日暮不歸集作魂

晚泊江鎮

前人

四運移陰律三翼泛陽侯荷香銷晚夏菊氣入新秋夜鳴
喧粉蝶宿鴈下蘆洲海霧籠邊徼江風繞戍樓轉蓬驚別
渚徒橘愴離憂魂飛灞陵岸淚盡洞庭流振影希鴻陸逃
名謝蟻丘還嗟帝鄉遠空望白雲浮

早發諸暨

前人

征夫懷遠路夙駕上危巒薄煙橫絕壑集作輕凍澁回湍
野霧連空暗山風入曙寒帝城臨灞涘禹穴沈江干橘性
行應化蓬心去不安獨掩窮途泣長歌行路難

至分水戍

前人

行役惣離憂復此愴分流濺石回湍咽縈叢曲澗幽陰崖
常結晦宿莽競含秋況乃霜晨早寒風入戍樓

夕次

集作晚泊蒲類

前人

二庭歸望斷萬里客心愁山路猶南屬河源自北流晚風
連朔氣新月照邊秋竈火通軍壁烽烟上戍樓龍庭但苦
戰燕頷會封侯莫作蘭山下空令漢國羞

早發淮口回望盱眙

前人

養蒙分四瀆習坎奠三荆徒帝留餘地封王表舊城岸昏
涵蜃氣潮滿應雞聲洲迴連沙淨川虛積溜明一朝從捧
檄千里倦懸旌背流桐栢遠逗浦木蘭輕小山迷隱路大
塊切勞生唯有貞心在獨映寒潭清

渡瓜步江

前人

捧檄辭幽逕鳴櫓下遺洲集作鳴根下貴洲驚濤疑躍馬積氣似
連牛月迴寒集作沙淨風急夜江秋不學浮雲影他鄉客
集作空滯留

途中有懷

前人

眷然懷楚奏悵矣背秦關涸鱗驚昀轍墜羽怯虛響素服
三川化烏裘十上還莫言無皓齒時俗薄朱顏

望鄉夕泛

前人

歸懷剝

集作到

不安促榜犯風瀾落宿含樓近浮月帶風

集作

江寒喜逐行前至憂從望裏寬今夜南枝鵲應無繞樹難

江行紀事二首

席豫

飄颻任舟楫回合傍江津後浦情猶在前山賞更新樹深
煙冪冪灘淺石磷磷川路南行遠淹留惜此辰

二

江帆春風勢山樓曙日暉援攀紫巖飲鳥拂清潭飛古樹
崩沙岸新苔覆石磯津途賞無限征客暫忘歸

西還至散關答喬補闕

知之

陳子昂

歲蕤蒼梧鳳嘹唳白露蟬羽翰本非匹結交何獨全昔君

事胡馬余得奉戎旃携手同沙塞關河緬幽燕芳歲幾陽
止白日屢徂遷功業雲臺薄平生玉佩指歎此南歸日猶
聞北戍邊代水不可涉巴江亦潺湲攬衣度函谷銜涕望
秦川蜀門自茲始雲山方浩然

宿空舫峽青樹村浦

前人

的的明月水啾啾寒夜猿客愁

集作思

浩方亂洲浦寂無喧

憶作千金子寧知九逝魂虛聞事朱闕結綬驚華軒委別
高堂夢集作愛窺覩明主恩今成轉蓬去嘆息復何言

度安海入龍編

沈佺期

我來交趾郡南與貫胷連四氣分寒少三光置日偏尉他

曾馭國翁仲久遊泉邑屋遺吐在魚鹽舊產全

集作傳

越人

遙捧翟漢將下看鳶北斗崇山掛南風漲海牽別離頰破
月容鬢驟催年昆弟推由命妻孥割付緣夢來魂尚擾愁

委疾集作病空纏虛道崩城淚明心不應天

十三四時常從巫峽過他日偶然有思 前人

小度巫山峽荆南春欲分使君灘上草神女館集作廟前雲

樹悉江中見猿多天外聞別來如夢裏一想一氛氲

夜宿七盤嶺 前人

獨遊千里外高臥七盤西山月臨窻近天河入戶低芳春

平仲綵集作綠清夜子規啼浮客空留聽褒城聞曙雞

初達驩州 前人

自昔聞銅柱行來向一年不知林邑地猶隔道明天雨露
何時及京華若箇邊思君無限淚堪作日南泉

自樂昌流至集作自昌樂郡流至白石嶺下行入柳州

前人

茲山界夷夏天險集作際橫寥廓太史漏登探文命限開鑿

北流自南瀉羣峯回衆壑馳波如電騰激石似雷落崖留

盤古樹澗蓄神農藥乳竇何淋漓苔集作藓鮮更綵錯娟娟

潭裏虹渺渺灘邊鶴歲杪應流火天高雲物集作初薄金風

吹綠梢玉露洗紅籜沂舟始興屨登踐桂陽郭匍匐緣脩

坂穹窿曳長紵音昨索也礙林徒集作阻往來遇堰每前却救艱

不遑食飯畢昏無託集作救艱不遑濯谿寧足懼磴道誰

云惡我行湍險多集作山水湍險皆不若安能獨見聞

書此貽京洛

從崇山向越常并序 前人

按九真圖崇山越常四十里杉谷起古崇山行谿從道明
國來於崇山北二十五里合水缺藤竹明昧有三十峯
夾水直上千餘仞諸仙窟宅在焉

朝發崇山下暮坐越常陰西從杉谷度北上竹溪深竹溪

道明冰杉谷古崇岑差池疑集作不合繚繞復相尋桂葉

藏金嶼藤花閉石林天窻虛的的虛竇下沉沉造化功偏

厚真仙迹每集作臨豈徒探恠異聊欲緩歸心

遙同杜員外審言過嶺 前人

天長地闊嶺頭分去國離家見白雲洛浦肝腸無用說崇

山瘴癘不堪聞南浮漲海鳶集作何處北望衡陽鴈幾羣

兩地春集作風 光萬餘里何時重謁聖明君

登仕郎胡柯 鄉貢進士彭叔夏校正

文苑英華卷第二百八十九

文苑英華卷第二百九十

詩一百四十

行邁二

薛稷一首 李乂一首

崔湜四首 杜審言四首

宋之問十九首 張說九首

蘇頲六首 寇泚一首

韋述一首

送京陝西十里作 薛稷

驅車越陝郊北顧臨大河隔河望鄉邑秋風水增波西登

咸陽途日暮憂思多傳巖既紆鬱首山亦嵯峨採築無昔

老採薇有遺歌客遊節回換人生能幾何

次蘇州 李乂

洛渚問吳潮吳門想洛橋夕烟楊柳岸春水木蘭橈城邑

南樓近星辰北斗遙無因生羽翼輕舉託還飈

景雲二年唐書作景龍三年余自門下平章事削階授

江州員外司馬尋拜襄州刺史春日赴襄陽途

中言志

崔湜

余本燕趙人秉心愚且直羣籍備所見孤貞每自飭徇祿
期代耕受任亦量力幸逢休明時朝野兩薦推一朝趨全
門十載奉瑤墀入掌遷固筆出參枚馬詞吏部既三踐中
書亦五朞進無負鼎說退慙補袞詩常恐嬰悔若不得少
酬私嗷嗷路傍子納疑謗紛無已上動明主疑下貽大臣
恥毫髮顧無累冰壺貌疑自恃天道何期平幽冤終見明
始佐廬陵疑郡尋牧襄陽城彤幃荷新寵朱轂蒙舊榮力
薄慙任重恩深知命輕飭徒屆前路行子悲且慕猶聞長
樂鍾尚辨青門樹慈親不忍訣昆弟默相顧去去勿重陳

川長日云暮

至姚林塞作

前人

去國未千里離家已再旬丹心恒戀闕白首更亂親懷璧
嘗貽訓捐金得隣抱冤非忤物羅謗豈尤人不濫辭終辨
無瑕理竟申散還中省舊符與外臺新塞上同遷客江潭
異逐臣淚垂非屬峴腸斷固由秦歲月行遵盡山川難重
陳始知亭伯去還是拙謀身

襄陽作

前人

廟堂初解印郡邸忽腰章按節巡河右鳴騶入漢陽城臨
南峴出樹繞北津長好學風猶扇誇才俗未亡江山距七
澤烟雨接三湘蛟浦荷菱淨魚舟橘柚香醉中求習氏夢
裏憶襄王宅毀仍思鳳碑存更憶羊下車慙政美閑閣幸
時康多謝征南術于今尚不忘

襄城即事

前人

子牟懷魏闕元凱滯襄城冠蓋仍爲里池臺尚識名山光
晴後綠江色來清借問東流水何時到玉京

旅寓安南

杜審言

交趾殊風候寒暄暖復催仲冬山果熟正月野花開積雨
生昏霧輕霜下震雷故鄉餘萬里客思倍從來

度石門山

前人

石門千仞斷迸水落遙空道束懸巖半橋歇絕澗中仰攀
人屢息直下騎繞通泥擁奔地徑雲霾伏獸叢星躔牛斗
北地脉象牙東開塞隨行變高深觸望同江聲連驟雨日
氣抱殘虹未改朱明律先含白露風堅貞所不憚險溢諒
難窮有異登臨賞徒爲造化功巖半集作所不憚作深

經行嵐州

前人

北地春光晚邊城風氣寒往來花不發新舊雪仍殘水作
琴中聽山疑畫裏看自驚牽遠役艱險促征鞍

發湘江

前人

他日林亭非舊遊今春花鳥作邊愁自憐京國人南竄不
似湘江水北流

黃梅臨江驛

見二百九十七卷

宋之問

早發

集作登

大庾嶺

前人

晨躋大庾險驛鞍馳復息霧露盡未開浩塗不可測嶮起
華夷界信爲造化力歇鞍問徒旅鄉關在西北出門怨別
家登嶺恨辭國自惟勗忠孝斯罪愴所得皇明頗昭洗廷
議日紛惑兄弟遠淪居集作請居妻子成異域羽翮傷已毀童
幼憐未識躊躇戀北顧亭午稀霽色春暖陰梅花瘴回陽
鳥翼含沙綠澗聚吻草依林植適蠻悲疾首懷鞏淚霑臆

感謝鴛鴦朝勤修魑魅職生還儻非遠誓擬酬恩德

自洪府舟行直書其事

前人

仲春辭國門畏塗橫萬里越淮乘楚嶂造江泛吳汜嚴程
無休隙日夜涉風水昔聞垂堂言將誠千金子問余何奇
剝遷竄極炎鄙揆已道德餘集作無幼聞虛白旨貴身賤
外物抗跡遠塵軌朝遊伊水湄夕臥箕山趾妙年拙自晦
皎潔弄文史謬辱紫泥書揮翰青雲裏事往每增傷集作
寵來常誓止銘骨懷林丘逆鱗讓金紫安位疊潛構退耕
禍猶起栖巖實吾策觸藩誠內恥濟濟同時人台庭鳴劍
履愚以卑自衛冗坐去集作沉滓迨茲理已極竊位集作
申知己羣議負宿心獲戾光華始黃金忽銷鑠素業坐淪
毀浩歎誣平生何獨戀枌梓浦樹浮鬱鬱臯蘭覆靡靡百
越去魂斷九疑望心死未盡匡阜遊遠欣羅浮美周旋木

師訓佩服無生理異國多靈仙幽探忘年紀弊廬嵩山下
空谷茂蘭芷悠悠南溟遠採掇長已矣

自湘源至潭州衡山縣

前人

浮湘汎迅湍逗浦凝遠盼漸見江勢闊行嗟水流慢赤岸
雜雲霞綠竹緣溪澗向背羣山轉應接良景晏沓嶂連夜
猿平沙覆陽鴈紛吾望闕客歸橈速已慣中道方泝洄遲
念自茲撰賴忻衡陽美持以蠲憂患

早發韶州

前人

炎徼行應盡回瞻鄉路遙珠崖天外郡銅杜海南標日夜
晴明少冬春霧雨饒身經火山熱顏入瘴江銷觸影含沙
怒逢人毒草搖露濃看箇濕風颺集作覺船飄直禦魑將
魅寧論鴟似鴞集作虞翻思報國許靖願歸朝綠樹秦
京道青雲洛水橋故園常在目魂去不須招

發藤州

前人

朝夕苦遄征孤魂長自驚汎舟依島泊投館聽猿鳴石髮
緣溪蔓林衣拂地輕雲峯刻不似苔壁畫難成露裛千
花氣泉和萬籟聲攀幽紅處歇躋險綠中行戀結芝蘭砌
悲纏松柏集作松檟瑩舟心江北死白髮嶺南生魑魅天邊國
窮愁海外情勞歌意無限今日為誰明

發端州初入西江

前人

問我將何去清晨泝越溪翠微懸宿雨丹壑飲晴霓樹影
梢雲密藤輪覆水低潮回出浦駛洲轉望鄉迷人意長懷
北江行日向西破顏看鵲喜拭淚聽猿啼骨肉初分愛親
朋忽解携路遙魂欲斷身辱理能齊疇日三山意于茲萬
緒睽金陵集作朱陵有仙館即事尋丹梯

初宿淮口

前人

孤舟汴河水去國情無已晚泊投楚鄉明月清淮裏汴河
東瀉路窮茲洛陽西顧日增悲夜聞楚歌思欲斷集作欲絕况
值集作况復淮南木落時

晚泊湘江

前人

五嶺栖遑客三湘顛顛顏况復秋雨霽表裏見衡山集作水通
明月峽塞路逐江南集作鵬南轉心依鴈北還唯餘望鄉淚更
染竹成班

渡大庾嶺

前人

度嶺方辭國停輶一望家魂隨翫鳥集作鴈淚盡北枝花
山雨初含霽江雲欲變霞但令歸有日不敢恨集作恨謫長沙

過蠻洞

林暗集作村暗

前人

越嶺千重合蠻溪十里斜竹迷樵子徑萍匝釣人家林暗
交楓葉園香覆橘花誰憐在荒外集作鄉外孤賞足雲霞

下桂江縣黎壁

前人

放溜觀前激連山紛上千江回雲壁轉天小霧峯攢吼沫
跳急浪合流環峻灘欹離出漩劃繚繞避渦盤舟子怯桂
水最去斯路難吾生抱忠信吟嘯自閑安旦別已千歲夜
愁勞萬端企予見外月委曲破林巒潭曠竹煙盡州香橘
露團豈傲夙所好對之與俱歡思君罷琴酌泣此夜漫漫

始安秋日

前人

桂林風景異秋似洛陽春晚霽江天好分明愁殺人卷雲
山解解碎石石磷磷世業事黃老妙年孤隱淪歸歟臥滄
海何物貴吾身

經梧州

前人

南國無霜霰連年見物華青林暗換葉紅蘂續開花春去
聞山鳥秋來見海槎流芳雖可悅會自泣長沙

早發始興江口至靈長村

集作虛
屯村

前人

候曉踰閩嶂乘春望越臺宿雲鵬際落殘月蚌中開薜荔
搖青氣枕榔翳碧苔桂香多露衰石響細泉回抱葉玄猿
嘯銜花翡翠來南中雖可悅北思日悠哉鬢髮俄成素丹
心已作灰何當首歸路

集作
歸蜀

故園來

鬢髮

集作
鬢髮

下桂江龍目灘二首

前人

停午出灘險輕舟容曳前峯攢入雲樹崖噴落江泉巨石
潛山恠深篁引洞仙鳥遊溪寂寂猿嘯嶺娟娟揮袂日凡
幾我乃途已千瞑役蒼梧郡愁枕白雲眠

二

集作早入
清遠峽州

傳聞峽山好旭日棹前沂雨色搖丹嶂泉聲聒翠微兩巖
天作帶萬壑樹披衣秋橘迎霜序春藤礙日輝翳潭花似
織綠嶺竹成圍寂歷環沙浦葱籠轉石圻露餘江未熱風

落嶂初晞猿飲排虛上禽驚略水飛榜僮夷唱合樵女越
吟歸良候斯爲美邊愁自有違誰憐望鄉國流涕失芳菲

入瀧州江

前人

孤舟泛盈盈江流日縱橫夜雜蛟螭寢晨披瘴癘行潭蒸
水沫起山熱火雲生猿躩時能嘯鳶飛莫敢鳴海窮南徼
盡鄉遠北魂驚泣向文身國悲看鑿齒岷地偏多育蠱風
惡好相鯨余本巖棲客悠哉慕玉京厚恩常願答薄官不
祈成違隱乖求志披荒爲近名鏡愁玄髮改心負紫芝榮
運啓中興歷時逢外域清祗應保忠信延促付神明

望鄉絕句

前篇題作漢江

已見一百六十二卷 前人

蜀道後期

張翥

客心爭日月來往預期程秋風不相待先至洛陽城

以下九篇並見集本

喜度嶺

前人

東漢興唐曆南河復禹謀寧知瘴癘地生入帝皇州雷雨
蘇蟲蟄春陽放鸞鳩洄沔炎海畔登降闕山陬嶺路分中
夏川源得上流見花便獨笑看莫即忘憂自始居重譯天
星已再周鄉關絕歸望親戚一作識不相求棄杖枯還植窮
鱗涸更浮道消黃鶴一作鷓去運啓白駒留江妾晨炊黍津
童夜櫂一作濯舟盛明良可遇莫後洛城遊

至尉氏

前人

夕次院公臺嘯歌臨爽塏高名安足賴故物今皆改吾兄
昔茲邑遺愛稱良宰桑中雉未飛屋上烏猶在塗逢舊毗
吏城有同寮案望塵遠見迎拂館來欣待慈惠留千室友
于存四海始知魯衛間優劣相懸倍

過蜀道山

前人

我行春三月山中百花開披林入峭嶺攀磴陟崔嵬白雲
半峯起清江出峽來誰知高深意緬邈心悠哉

再使蜀道

前人

眇眇葭萌道蒼蒼褒斜谷煙壑爭晦深雲山共重複古來
風塵子同眩望鄉目芒閣有儒生輶車倦馳逐青春客岷
嶺白露搖江服歲月鎮羈孤山川俄集作長反覆魚遊戀深
水鳥遊戀喬木如何別親愛坐去文章國蟋蟀鳴戶庭蠅
蝟網琴筑

下江向夔州

前人

天明江霧歇洲浦棹歌未淶水逶迤去青山相向開城臨
蜀帝祀雲接楚王臺舊知巫山上遊子共徘徊

深渡驛

見二百九十七卷

前人

襄陽路逢寒食

前人

去年寒食洞庭波今年寒食襄陽路不辭著處尋山水祇
畏還家落春暮

巡邊在河北作

前人

去年六月西河西今年六月北河北沙場磧路何為爾重
氣輕生知許國人生在世能幾時壯年征戰髮如絲會待
安邊報明主作頌封山也未遲

興州山行

蘇頲

危途曉未分驅馬傍江濱
滴滴泣花露泣集作注微微出岫雲
松梢半吐月蘿翳漸移
矐矐客腸應斷吟猿更始聞

曉發興州入陳平路

前人

旌節指巴岷年年行且巡行集作按暮來青嶂宿朝去綠江春
魚貫梁緣馬猿奔樹息人邑祠猶是漢溪道即名陳舊史
饒遷謫恒情厭苦辛寧知報恩者天子一忠臣

曉發方騫驛

前人

傳置遠山蹊龍鍾澗泥片陰長作雨微照已生霓鬢髮
愁氛換心情險路迷方知向蜀老扁識子規啼

經三泉路作

前人

三月松作花春行日漸賒竹郭山鳥路藤蔓野人家透石
飛梁下尋雲絕嶝斜此中誰與樂揮涕語年華

晚濟膠川南入密界

前人

飲馬膠川上傍膠南趣密林遙飛鳥遲雲去晴山出落暉
隱桑柘秋原被花實慘然遊子寒風露將蕭瑟

夜發三泉即事

前人

暗發三泉山窮秋聽騷屑北林夜鳴雨南望曉成雪祇詠
北風涼詎知南土熱沙溪忽沸渭石道乍明滅宛若銀磧
橫復如瑤臺結措程則所戀遇虞不遑歇集作遇險不遑歇重續

濡莫解懸旌凍猶揭下奔泥棧楮上覲雲梯設搏頰羸馬
頓回眸喘人跌憧憧往復還心注恩腴切冉冉年將病力
困衰怠竭天彭信方隅地勢誠斗絕忝曳尚書履叨兼使
臣節京坻有歲饒亭障無邊孽歸奏丹墀左蹇能俟來抵
度塗山冠泚

小年弄文墨不識戎旅艱一朝事鞞鼓策馬度塗山塗山
橫地軸萬里屆荒服悠悠旌旆遠駢駢一何速流月耀金
戈驚風折寒木行聞漢飛將還向臯蘭宿

晚渡伊水

韋述

悠悠涉伊水伊水清見石是時春向深兩岸草如積迢遞
望洲嶼逶迤巨津陌新樹落疎紅遙原上新碧回瞻洛陽
苑遽有長山隔烟霧猶辨家風塵已為客登陟詩選作涉多異
趣往來見行役雲起早已昏鳥飛日將夕光陰逝不借超

然慕疇昔遠遊亦何爲歸來存竹帛

早發集作登大庾嶺淪居集作誦居

自洪府舟行道德餘集作無增傷集作增坐去集作列竊位集作竊

早發詔集作服州集作州鳴似鴉集作是發藤州松栢集作松栢

發端州金陵集作朱陵

晚泊湘江况復秋雨霽表裏見衡山集作水通明月

登仕郎胡柯 鄉貢進士彭叔夏校正

度大庾嶺者翦鳥集作翦不敢恨集作不恨

過蠻洞林暗集作暗荒外集作外

早發始興至靈長村集作虛鬢髮集作鬢歸路集作歸

興州山行泣花露集作泣吐月集作吐

夜發三泉遇虞不遑歇集作不遑

文苑英華卷第二百九十

